

Malbatên windayan:

D ayik, bav, xwişk û birayên windayan rabûne ji Wanê, ji Amedê, ji Kerboranê hatine Stenbolê; li lêzimên xwe digeriyan û ew ji dewletê dixwestin. Li ber deriyê Lîseya Galatasarayê rûniştin. Roja 25'ê adarê jî civînek pêk anîn. Lê baweriya wan jî zêde bi çapemeniya tirk tune bû. Lewma pîreka Ali Tekdağ, Hatice Tekdağ di encama civînê de ev gotin: "Em nehatine vir ku em wênayên xwe bidin kişandin. Heke hûnê cih bidinê, bikişînin." Malbatên kurd tevî dîtina lêzimên xwe yên "windakirî" aşî jî dixwestin.

Rûpel 3



- ✓ A. MELİK FIRAT jî kete nav nivîskarên me. Firat bi sernava "Dewr û daîma guran" sîstema kemalî şîrove dike Rûpel 4-5
- ✓ Heyeta îtalî, ku di Newrozê de çûbû Amedê wiha got: "Me fêhm kir ku em hatine welatekî dagirkirî" Rûpel 8-9
- ✓ Dewlet û dijminatîya zimanê kurdî Rûpel 11
- ✓ ŞANAR YURDATAPAN der barê qanûnên ne-demokratîk de wiha dibêje: "Emê wan qanûnan bîdin bin piyan" Rûpel 10

NAVEROK



6

Cil û bergên dora 'Mûşê' ji pênsa Xelef Zinarî



12

Şerecûniya çirokbêjan, nimûneya Dewrêş û Baz



16

Li NÇM'ê ya Stenbolê: Pêşangeha hunermendên kurd

Ji Xwendevanan

BI hatina Azadiya Welat mala me ro-nahî bû. Me li mala xwe dibistanek vekir. Ez mamoste me, lê em nikarin bi zimanê xwe bixwînin û binivîsin.

Daxwaziya me ji nivîskarên rojnameyê heye, lê em hevî dikin hûn jê aciz nebin. Em zimanê xwe gelek fêhm nakin. Ev mirina me ye. Ji bo vê sebebê şeweya me ya Şirnexê jî bînin ber çavên xwe. Rûpelekî jî bikin lûgat. Me divê em ji rojnameyê re çîrok, dîrik, deng û behsan binivîsin. Ji bo gelê kurd û hewe, serfirazî û serbilindî.

AZAD KURDÎ/ŞIRNEX

DI nav gelên cîhanê de, ji hemû gelan bêhtir hewcehiya gelê kurd bi zimanê wî heye. Ji ber ku zimanê wî, çanda wî hatiye qedexekirin û asîmîlekirin. Îro gelê kurd, hatiye wê merhaleyê ku êdî li zimanê xwe, çanda xwe, hebûna xwe xwedî derdikeve. Ev jî, ji bandora şoreşa Kurdistanê ye.

Şoreşa Kurdistanê di her warî de, saziyên xwe ava dike. Di vê demê de kêmasiya gelê Kurdistanê, xwendin û nivîsandina bi zimanê wî ye. Azadiya Welat, pêwist e ku di weşanên xwe de kêmasiya gelê kêm bike û rola xwe ya dîrokî pêk bîne.

MÊRXAS Û MÎRZE MIHEMED XANA HEWÊL (BAYKAN)



Hîmê çandê: Ziman

MEHMET GEMSİZ

Mijara ziman, ji bo gelê me girîng e. Ji ber ku hîna jî, zimanê me, çî di warê axaftinê de û çî jî di warê nivîsinê de, serî ji zimanê biyan û serwer nestandîye. Ji wan re bîndest e; ji zimanê tirkî, erebî û farisî re. Nemaze, bakurî bêhtir di bin nîrê zimanê tirkî de ne.

Di van salên dawîn de pêşveçûn û geşbûnên berbiçav di warê zimên de xwe didine xuyan. Bi taybetî jî di kurdî de. Ev rewş, me şad dike. Lê ev pêşveçûn tam ne li gorî dilê me ye. Pir giran diqewime. Di gelê yekê, heman heman li ser her warî, berhemên bi kurdî têne weşandin. Divê em spasiya wan kesan bikin ku, bi iniyad û biryardarî van berhemên diafirînin. Dest û tiliyên wan ter bin.

Îcar, mebesta min bi xwe, zimanê

wan berhemên e. Çend nimûneyên hêja ne tê de, bi giştî xwedî kêmasiyên in. Ji ber ku di wan de, ji bilî şaşî û kêmasiyên gramatik û rastnivîsê, gelek qalib, şayes (teswîr), riyên vegotinê û biwêjên biyanî hene. Dema ez berhemêkê dixwînim û rastî wan yekan tîm, nema xwe radigirim ku xwendina xwe bidomînim. Hişê min diçe ser wan. Heke ew, berhemêke edebî be, heycar ez bêzar dibim.

Rast e, zimanê me zimanekî civakeke girtî û feodal e. Zêde ne dînamîk e. Pêwistî bi zengînkirina zimên û gencîneya wê heye, çî bi xebatên berhevkirina zargotina kurdî (tev) û çî jî bi awayekî zanistî afirandina têgîn (term) û peyvan.

Li vir, ji derî xebatên zanistî yê li ser zimên, barekî giran û girîng jî dikeve ser milê nivîskar. Divê nivîskar baş hay ji zimanê xwe hebe. Zargotina xwe zanibe û

karibe jê xwe têr bike. Jê hînî awayên vegotinê, şayes, qalib, biwêj, gotinên pêşyan bibe; karibe bi zimanê xwe birame, pê xewnan bibîne.

Hemen hemen zimanê me bakuriyan ê hêvotinê, tirkî ye. Her wiha yê ramîn û axavîne jî ew e. Cîhana me ya fikirîna bi kurdî teng, a bi tirkî fireh e. Ji lew re pêwistiya me giştan bi xweperwerdekirina bi zimanê kurdî heye.

Ji bîra me divê neçe ku, tîkiliya ziman bi derûniya mirov re heye. Bi ramanê re heye, bi çandê re heye. Ji ber ku hîmê çandê zimanê e. Ji ber ku madeya xam a hemû hunerên ku bi gotinê têne afirandin, ziman e. Her wiha ew berhem bi kîjan zimanî hatibe nivîsin, nasnameya wan jî ew ziman e.

Li dawiyê em vê bibêjin: Bi ya me divê nivîskar ji zargotina kurdî dest pê bike, bi zimanê xwe yê ku pê perwerde dîtiye wê xurt bike û sentezeke qenc biafirîne.

Ji bo ku nivîskarên kurd tam bigihîjin hêza vegotina bi kurdî û xwendevanên xwe bi xwendina kurdî bitamîjînin, ev yek pêwist e.

Cînosaydî kulturî beşêk e le cînosaydî giştî gelê kurd

DR. MARÛF GUL

Sali 1984 le rêkxirawî Netewe Yekgirtuwekan peymannameyek danira ke, taybet bû be berbendkirdinî tawanî cînosayd û sizaxistina ser tawankaranî. Lew peymannameye da corekanî cînosayd bemcore diyarî kirabûn:

- 1) Cînosaydî fizikî
- 2) Cînosaydî bîyorjî

Em du coreyî cînosayd be şeweyêkî serekî babetî peymannameke bûn. Ewey ke le layen yasanasane girîngî zorî pê dira cînosaydî kulturî neteweyî bû. Eger çî em xala le peymannameke da cigir nekira, belam hetaku êstaş wekû beşekî girîng le cînosayd le layen pisporan û yasanasane diyarî dekirê. Ême belayî xwemanewe, cige le cînosaydî fizikî û biyoloji pîman waye cînosaydî kulturî neteweyî û cînosaydî aborî du corîtir in le tawanî cînosayd.

Diyar e detwanî fakte tewaw der barey em çar corey cînosayd bixeyne rû, belam mebestî şerekîman lem wîtare da cînosaydî kulturî neteweyî û cînosaydî aborî du corîtir in le tawanî cînosayd. Diyar e detwanî fakte tewaw derbarey em çar corey cînosayd bixeyne rû, balam mebestî şerekîman lem wîtare da cînosaydî kulturî neteweyî ye. Peyvî cînosayd le du beş pêkhatûwe:

Cînosayd tawanêkî nêwneteweyî ye, le yasayî tazey nêwdewletan da girîngiyekî zorî pê dirawe Peymannameyî berbendkirdinî cînosayd xesletêkî yasayî împîrîtîvî bo hemû wilatanî dunya heye. Qedexekirdinî ziman, huner, mûsîqa, edebiyat û şewandinî mêtjuyî netewayetî, emane çend corêkî cînosaydî kulturî.

- 1) Peyvekî girîkî (genos): regez, ni jad, bineçe, binyat.
- 2) Peyvekî latînî (caedars): kuştin, qirkirdin, fewtandin.

Be leyekdanî her du peyv: Genocide, fewtandinî bineçe pêk dêt.

Le ber wey cînosayd tawanêkî nêwneteweyî ye, le yasayî tazey nêwdewletan da girîngiyekî zorî pê dirawe. Peymannameyî berbendkirdinî cînosayd xesletêkî yasayî împîrîtîvî bo hemû wilatanî dunya heye. Prensîpêkî giştîw baw le yasay nêwdewletan da heye, dibêjê: Eger dewletêk beşdar nebê le rêkewtinname û peymannamey cîhanî da, ew dewleta pabend nabêt bi hukmî ew peymannameye. Belam hindê binemay (qaide) împîrîtîf le yasay nêwdewletan da, dewlet mecbûr deken bê pabendêti nêwneteweyî. Şikandinî ew pabendêtiye dewlet berpirsiyar diket le beranber yasay nêwdewletan da.

Metirsî cînosaydî kulturî neteweyî lewe da ye, mîlet bebê kultur demênê-tewe. Mîlet û kultur bebê yekdî nabin.

Şewandinî kulturî kurd rêgayî cor be corî girtuwe. Qedexekirdinî ziman, huner, mûsîqa, edebiyat û şewandinî mêtjuyî netewayetî, emane çend corêkî cînosaydî kulturî.

Merc niye cînosaydî kulturî her be qedexekirdin encam bidirê. Wêrankirdinî Kurdistan debête hoyekî gelek mezin bo fewtandinî kultur, çunke serbarî wêrankirdinî jîngeh, debête hoy tefrûtanakirdinî keresey materyalî, nemanî folklor, şayî, dawet, dab û nerî û pêwendî komelayetî. Çunke wêrankirdin serbarî mirdin debête hoy koçkirdinêkî berdewam. Diyar e wêrankirdin dibête hoy wêrankirdinêkî aborî, eme nişaneyî fewtandinî serçawey jîyan e, îtir koçkirdin û dîrkewtinewe le niştîman debête naçarî.

Mirov dîr le jîngew hewarî xweş be maweyêkî zor, rabirdûwî xwey le dest dedat. Cêgey rasteqîney kulturî neteweyî, niştîman e. Boye cînosaydî kultur metirsîyekî gewre le ser paşerojî netewe durust dekar.



LI GORİ agahiyan hevdtinên ku ev sê meh in di navbera PKK û PDK'ê de dom dikin, gihîştine encameke baş. Lihevhatina PKK û PDK'ê di warê pêkanîna Kongreya Neteweyî de wekî gaveke girîng tê nirxandin. Tê gotin ku Mesûd Berzanî jî bo pêkanîna Federasyonê Demokratîk li Başûr, bang li Serokê YNK'ê Celal Telabanî jî kiriye. Dewleta tirk a ku dixwest PDK'ê bi Iraqê re li hev bîne, li ser vê peymanê gelekî aciz bû. Her wiha hewlêdanên Tirkiyeyê yê ku PDK'ê bike şirkê operasyonê li hemberî PKK'ê jî, bi vê peymanê têk çûn. Bi awayê ku çavdêrên siyasî dibêjin, PDK'ê hemû mafên ku ji bo rêxistinên başûrî hene, ji bo PKK'ê jî nasîne.



MEBÛSÊ Partiya Keskan Cem Özdemir li dijî guherîna Zagona Biyanan derket. Piştî meşên kurdan ên li Dortmundê, rayedarên alman ji bo derkirina kurdan, guherîna Zagona Biyanan anîbûn rojevê. Çapemenî û dewleta tirk jî bi vê yekê gelekî kêfxweş bûbûn. Lê Cem Özdemirê ku bi eslê xwe tirk e, da zanîn ew li hemberî vê guherîna ne. Özdemir diyar kir ku wê ev guherîn zirarê bide hemû biyanan. MEBÛSÊ Keskan, gotinên Helmut Kohl ên bi rengê "Ev kes mafê mewanîyê çewt bi kar tînin" jî rexne kir û got: "Însanên li Almanyayê bi cih bûne, êdî ne mewan in." Özdemir diyar kir ku guherîna vê zagonê bi helwesta sosyal demokratek ve girêdayî ye.

NÛÇE

'Dilê wan goşt dixwaze, em biçin wehşan serjê bikin, bînin'

Malbatên kurd li Stenbolê li lêzimên xwe geriyan. Wan ji dewletê, lêzimên xwe dixwestin, lewma hatin li ber deriyê Lîseyaya Galatasarayê rûniştin. Ew jî bes nedîtin, roja 25'ê adarê civînek çêkirin ji bo çapemeniyê, da ku dengê wan biçê dinyayê. Wan nedixwest êdî kes vê janê bikişîne. Her wiha wan tevî dîtina lêzimên xwe yê "windakirî", aştî jî dixwestin.



Malbatên kurd dibêjin: "Bila bes xwîn birijê û mirov bînin windakirin."

13 rojên wan qediyar winda kirin, ez çûm û hatim, go tunin, ez çûm û hatim, go tunin... Ev peyvên jorê, pir hindik çîroka malbatên kesên ku bi destê dewletê hatine windakirin rave dikin.

Heftiya çûyî mewanên rûniştgeha dayikên windayan, a li ber deriyê Lîseyaya Galatasarayê, ji welatê di bin rêveberiya ne-asayî de hatibûn. Piştî rûniştina xwe ya her heftiyê, ku roja şemiyê çêdibû, bi pêşengiya İHD'ya Stenbolê, civînek li Menzela Tabîbên Tirkiyeyê (TTO) li dar xistin.

Di civînê de 27 lêzimên kesên windakirî, çavdêriyên xwe, ango çîroka windabûna lêzimên xwe anîn zimen. Piraniya wan bi kurdî axivîn û çîroka wan kesên windakirî, gelekî dişibîn hev.

Hêzên dewletê li ber çavên mirovan, ji kolanan an jî di mal de li ber çavên wan, lêzimên wan biribûn û paşê jî "winda kiribûn." Hemû deriyên ku serî lê dane, hatine girtin. Wan hêviya xwe ji rayedarên dewletê birîne, lê ji lêzimên xwe nebirîne.

Dayik, bav, pîrek û xwişk û birayên kesên windabûyî ji dewletê lêzimên xwe dixwazin. Dayika Hamsa Çiçek a ku sê kurên wê Çayan Çiçek, Tahsin Çiçek û A.İhsan Çiçek hatine windakirin, dibêje: "Operasyon hate gund û her sê lawên min

girtin ... ku miriye bila cenazê me bidin, ku zanin bila derxin. Heya ji me bê, ez serê xwe didime ser vê rê."

Muharrem û Mehmet Tanrıverdi, ji ber çavên dayika wan Kadriye, birine û winda kirine, ew jî zarokên xwe dixwaze, lê zindî: "...Ez cansız jî naxwazim, canlı dixwazim zarokên xwe. Heta ez karibim, heta ruh di canê min de hebe, ezê li pey zarokên xwe bigerim... Ma ez ji bo termê mirî hatime wan deran?" Dibêje dayika Kadriye.

Dayika Kadriye li hemberî vê zilmê xwe ranagire û wiha dom dike: "Dawe ku, li min dike? Ji min re dibêje çi? Hela bila bêje? Heqaretî nîn e? Ku goştê wan xwariye, bila bêje min goştê wan xwariye. Ku dilê wan goşt dixwaze, em biçin keran jê re serjê kin, bînin; wehşan serjê kin bînin... heqaretî bes nîn e?"

Malbatên kurd ne tenê lêzimên xwe, aştîyê jî dixwazin. Wan jî fêhm kiriye ku heta ev şerê qirêj devam bike, wê mirov bêne windakirin. Pîreka Sinan Fidan, Hüsniye Fidan ve yekê dibêje: "Ev zilm û zor bila bê hilkirin, zarokên me sêwî dihêlin, em însan û ciwan in bes e êdî, em dawe aştîyê dikin."

Di destê wan de gelek delîl jî hene, lê çi feyde. Ku mirov here ji gur doza pez bike, wê karibe çi bi dest bixe?

Pîreka Ali Tekdağ, Hatice Tekdağ dibêje: "... Min di pey wî re du mehan dilekçe dan. Polîsan em diqewirandin, ez derketim hinda başsawcî, başsawcî got, ji ku girtin, min go li ber deriyê Şekerbankê, got here şahidê xwe bîne, min go li ber min girtin, ez herim kê bînim..."

Pîreka Fehmi Tosun, Hanım Tosun ji ber ku plakaya erebeya ku pê mêrê wê revandine girtiye, ji aliyê polîsan ve tê tehdîtkirin. Dîsa bavê İbrahim Gündem ji ber ku navê Üsteğmen Kenan Şahin dide, jê tê xwestin ku îfadeya xwe biguherîne.

Dayik, bav, xwişk û birayên windayan rabûne ji Wanê, ji Amedê, ji Kerboranê hatine Stenbolê. Lê baweriya wan jî zêde bi çapemeniya tirk nayê. Lewma pîreka Ali Tekdağ, Hatice Tekdağ di encama civînê de got: "Em nehatine wir ku em wênayên xwe bidin kişandin, heke hûnê cih bidinê, bikişînin." Dîsa birayê Rıdvan Karakoç, Hasan Karakoç rexne li çapemeniyê girtin.

Her wiha mirov ji gotinên pîreka Fehmi Tosun, Hanım Tosun fêhm dike ku malbatên kurd êdî ne tenê li xwe difikirin. Hanım Tosun çalakiya malbatan a her heftiyê bi bîr dixê û dide zanîn ku, ew naxwazin tu kes vê janê bikişîne, lewma ve çalakiyê pêk tînin.

SAMİ BERBANG

DIK

Çeqçeqok û aştî...

Ku yek bi pîrsa "Tu vî welatî bi tevayî dikarî bi gotinê kê bidî naskirin?" ji min pîsekê bike, wê bersiva min ev be: Aş çûye, ketine pey çeqçeqokê.

Dema ku siyasethanekî tirkan biaxive; jixwe ew rîya gotinên rast nizanin, lê ku wê rojê xwe şaş bike û zimanê wî li gotinên rast biterpîle û rastiye jî bibêje, di vî welatî de (jina wî jî di nav de) kesekî ku jê bawer bike peyda nabe. Lê dema hîlbijartinan hûn dibînin ku mîlet dîsa rayên xwe didine wan kesan.

Avakirina hikûmeta tirkan, ji zewaca li gundên kurdan a çil sal berê, xerabtir çêbû. Berê li gundên kurdan, qerara ku zewac bi kê re wê çêbe bav dida, ne zava. Mesut Yılmaz jî, bi Refahê re nîşanî kir, lê bavê wî roja dawetê peşk lê da û çû jê re jinebiyek anî. Yılmazê fiqare jî, ji jinebiya çîsale re dibêje: "Çi qîzeke rind e!" Li ber Erbakan û hemû mîlet, yekî ji Asilhan Oğuztürk re lûleya demançeyê dirêj kir, lê Erbakan dibêje "Na lawo, te şaş dît, camêr qevdek gul dirêjî te kir, ji te wer e ku demançe ye! Ha pere, here ji xwe re berçavikeke baş bikire!"

Jixwe hûn Reîsê komarê nas dikin: Do tav bû, îro ewr e, ma îro tava we hebû, min xwar?


Piştî kurdan, yê ku zilma mezîna dîtine, sosyalîstên tirkan in. Lê wan jî (piraniya wan, lê ne tev) dev ji yê ku ev çend xwîna wan rêtine û dirêjin berdane, derd û kula wan a mezîna, bûye paşverûtiya Refahê... Bi tirs û saw, wekî ku Ezraîl dabe devê derî, dibêjin "Refahê tîktidarê!"

Ev sê meh in ku PKK'ê agirbest îlan kiriye, lê ka wê di dinav ve tabloyê de bi kê re aştî çêke? Xwînê rêtin, hêstir dibarin, mîlet birçî ye, ji wan, re çi? Zikê wan tîr in, zarokên wan ji şer dîr in... Û jixwe ji bo vî welatî heftê milyon însan zêde ye, milyonek-du milyon kêmbibe kar e, ne xesar e!

RAHMÎ BATUR

Dewr û daîma guran...

A. MELİK FIRAT



Di navbeyna qanûn û hiqûqê de ferq heye; di hiqûqê de însaf, mesafet û heqaniyet heye. Di qanûnê de ev tune ye. Lê cumhûriyeta kemalistan, qanûnên ku bi xwe jî çêdike, jê re rîayet nake. Elameteka wan a farîqe zilm e.. Edaleta xwe, bi lêxistin, kuştin û kutanê didine meşandin. Kî ku çavên xwe veke, qamçiyê wan li ser serê xwe dibîne...

Ev sîstema bi navê cumhûriyetê, ev rejîma ku niha li Tirkiyeyê hikumferma ye, tiştêkî xerîb e, li dinyayê emsaleke wî tune ye. Tabîreka tirkan ku dibêjinê "Qereqûşî" heye, en rind ev tabîr li rejîma tirkan tê. Çer kêfa wî xwest, arzûya wî çer xwest, bi wî şeklî hereket dike. Bi xwe qanûnê datîne, lê rîayeta qanûnên xwe jî nake.

Gelek tîran, haqan, qral, padişah û dîktatoran li dinyayê hikum kirine. Wan qanûn çêkirine, gotine hûn bixwazin jî ev e, hûn nexwazin jî...

Em bibêjin; merivekî ku bejna wî 85 santîm be, çavên wî şîn, porê wî zer be, wê ew meriv bê kuştin... Di vê qanûnê de hiqûq tune ye, zilm heye, ji ber ku dirêjahî û kinahiya bejna mirov, rengê por û çavên mirovan, ne li gorî xwesteka meriv çêdibe, ew ji mirov wêdetir e. Dîktator qanûnên wiha çêdikin û wan tetbîq dikin. Lê ev cumhûriyet, ev rejîma kemalîst wer nîn e; qanûnekê çêdike, bejna te heştê santîm be jî, te bi dar de dike, heftê santîm be jî, te bi dar de dike. Porê te, çavên te reş bin jî, te bi dar de dike. Rojekê dilê wî dixwaze çavşînan, dotira rojê dilê wî dixwaze, çavreşan bi dar de dike û dibêje: "Kêfa min wer xwest..." Yanê ne li gorî qanûn û hiqûqa xwe, li gorî kêfa xwe karê xwe dimeşîne.

Di navbeyna qanûn û hiqûqê de ferq heye; di huqûqê de însaf, mesafet û heqaniyet heye, di qanûnê de ev tune ye. Lê cumhûriyeta kemalistan, qanûnên ku bi xwe jî çêdike, jê re rîayet nake. Elameteke wan a farîqe zilm e.. Edaleta xwe, bi lêxistin, kuştin û kutanê didine meşandin. Kî ku çavên xwe veke, qamçiyê wan li ser serê xwe dibîne...

Miletê tirk jî, ji tarîxê ve wer elimandine, mesela; îro saziya (müesese) wan, a herî cidî eskeriye ye û kî here eskeriyê, li wir kunya wî "eşekoğlu eşek" e. Tu carî ji hev re bi milaimî mûamele nakin, kî bi kê dikare li nav çavên wî dide û dibêje: "Eşekoğlu eşek!" Yên ku bi dîvîdirêjî eskerî kirine, di nav wê sîstemê de bûne general jî, wexta ku li cihekê tîn ba hev, heya ji hev û du re nebêjin "eşekoğlu eşek!" jî rihet nabin. Ev ji wan re bûye tiştêkî tabî...

Yanê aqil û mantiqê vê rejîmê, ji bo îqnakirinê, ji şûr, rim, dar, çek û zorê nabihûre...

Xusûsiyeteke wan jî talen e. Çi malên ku aîdê xelkê be, yên umûmî be, yên dewletê be, dikin bin emrê xwe, ji malên xwe bêhtir wî ji xwe re dihesibînin. Eger ew xelas kirin, malê destê millet jî, ji destê wan didizin. Îro xwe hinekî li gorî esrê (sedsalê) guherandine. Berê bi esker û bi zor distendin, vê gavê butçe çêkirine, rûniştine buroyên xwe û ji xelkê pere top dikin, didine mirovên xwe....

Meslekê wan ê mezin jî derew in...

Di warê derewan de, qabiliyeteke wan a pir muhîm heye. Dema dixwazin, kes bi qasî wan xweş napeyive. Wexta ku tu li wan guhdarî dikî, tu wê bibêji jî wan adîl, ji wan medenî û ji wan dilovantir (birehim) kes tune ye. Lakîn ev gotinên wan giş derew in. Kirin û gotinên wan paşpê hev in. Wexta ku dibêjin emê welat ava bikin; xera dikin, dişewitînin...

Dema ku bibêjin emê sîstema miarîfê, sîstema xwendinê bi pêş ve bibin; çiqas tiştên cahîlane, tiştên ku aqil qebûl nake, yanê ilefîsên wan, çiqas sloganên wan ên paşverû hene, wan bi kar tînin.

Ji ber vê yekê jî, yê ku di nav sîstema vê rejîmê de mezin bûye, xwe ewladê vê rejîmê dihesibîne, ku çî bibêje, çî qise bike, divê em qet îtibara xwe pê neynin, pê bawer nekin. Derewkirin ji bo wan tiştêkî tebîî ye. Yanê, çawan ku nan û av û hewa tiştêkî tebîî ye, derew jî gidaya wan e. Û ji derewan şerm nakin, derewan meziyet dizanin. Bi xapandina millet, xwe serbilind, bextiyar dibînin...

Reîsêcumhûrê tirkan Süleyman Demirel, deh sal ji heqê xwe yê siyasetê hat dûrxistin. Wê demê digot: "Darbecî xelet dikin, welat bi paş ve dibin. Eskerên çî ji me xwest û me neda? Çima darbe çêdikin? Ev anayasa (qanûna bingehîn) wan antî-demokratîk e..."

Li temamî welat geriya û got. Lê îro ev anayasaya ku Evren çêkiriye, weka Încîl, weka Tewrat û weka Quranekê di cêba xwe de vedîşere. Li hafa millet derdixê bêşerm û fedî maçî dike, dide eniya xwe û dibêje: "Ez bekçiyê vê anayasayê me!" Ji Evren re dibêje: "Tu li ber behrê ji xwe re resim çêbike, li kêf û zewqa xwe binêhere, ez li vir anayasaya te mûhafeze dikim."

Li dinyayê merivekî wiha, sîstemeke wiha tune ye

Îcar milletê tirk jî elimiye, ji vê nerihet nabe. Yanê kî jê re derewan bike, ew jî jê re li çepikan dixê. Vê gavê nan sêzdeh hezar e, bibe sîh hezar jî qet kes nabêje çima? Di nava vê sîstemê de her kes li pey xapandina yekî din e... Em bibêjin yên ku hatineke wî ya mûayên heye, qezenceke wî yê mûayên heye, ancax xwe îdare bike, wexta ku tiştên wî yên heyatî biha bûn, gerek e rabe ji dewleta xwe re bibêje: "Ez nikarim îdare bikim, tu çima wer dikî!" Lê tiştêke wisa tune ye. Çimkî millet wer kirine; dibêjin hev bixapînin, bidizin. Dibêjin mêze bikin; em çer didizin... Reîsê beriya vî Silêmanî jî got: "Memûrên min îşê xwe dizanin." Yanê tê wê maneyê ku mîaşê we tîr nekîr, mîaşê we kafî nebû, bidizin... Û ji yên ku li ortê reben û belengaz mane re jî, dibêjin: "Bila canê wî jî here cehenemê, ji we re çî!..."

Ev sîstem, sîstema kêkî xapandinê ye

Dewr û daîmek çêkirine, li dora hev digerin, mîna guran, kî bikeve erdê wî dixwin...

Siyonîzm quweteke mezin e li dinyayê, li dinyayê hikum dike û karê lobiya tirkan siyonîzm dimeşîne; dibêjin me di Herba Alemê ya Yekemîn de bi wasiteya emperyalîstên îngilîzan, hem saltanet û xîlafet hilşand û hem jî sîstema vî erdê ku hezar salî bû, me serûbin kir. Yanê sîstema wî ya hiqûq, siyaset û ekonomiyê me vajî kir. Me xerçerek li orta qelbê alema îslamê xistiye, ev xerçer bila di wir de bimîne. Bi ewrûpiyan re dema tu qise dikî, ha bi alelade, ha jî bi zanayên wan re; ew jî dibêjin ev rejîma Tirkiyeyê ku dibêjin em rojavayî ne, derew e. Tu eleqeya wê bi me ve tune ye. Lê kêfa wan jî bi vî tê, dibêjin hemî wan xwe wiha qeşmer kirine, mesqere kirine, ji bo me çêtir e, rind e...

Ev ji patronên xwe yên Ewropayê bêhtir mûteasib in. Mesela; patronên wan ên ewrûpî dibêjin êdî dinya gilover (global) bûye, her kes zimanê xwe, baweriya xwe (bi dil nebe jî, bi zahîrî jî be) divê bikaribe biparêze. Lakîn ev mûqelide yên ku di vir de ne, mîna meymûnan, merivan dipertînin. Ji de-

vê te gotinek derkeve, hema hilbaskê te dibin, te dipertînin. Yanê mesqere ne, bi van şebekeyan jî, tişt naçine serî.

Divê sîstem were guherandin

Em dibêjin, madem ku hûn dibêjin 'batî', hûn dibêjin rojava, werin sextekariyê nekin, sîstema xerbî bînin. Bila li vî welatî sîstema demokrasiyê, sîstema hiqûqê hebe. Hiqûqa beynelmînel, hiqûqa cîhanî bînin. Bila însan fikrên xwe, baweriyên xwe bibêjin, kultura xwe, bikaribin biparêzin. Îro di cîhanê wan de îngilîz û fransîz bûna, ev welat heftê sal mûstemlekeya wan bûya, ji sedî yekê van nedikirin. Ne ji boyê kurdan tenê, ji bo milletê xwe jî were ne. Di vê demokrasiya wan a xerabê de, di nezera dewletê, di nezera burokrasiya tirkan de, gel mîna ehlê mûstemlekê ye. Belkî neyê bîra xortan, ji vir 50-60 sal berê, ehlê burokrasiya tirkan, ên li pêş digotin: "Wê çawa raya me û raya Hesên û Hiso bibe yek!" Wer digotin, îstîza dikirin... Ev dibêjin em zana ne, lê milletê me cahil e, nezan e. Tekerlema "Halk fikrasi" ev bû: "Halka rağmen halk için." Yanê xelk nezan e, ew qebûl nekin jî, ji dêla wan, em tiştên rind dizanin. Û ji gel re dibêjin tu wiha bike! Wiha rûnê, vî libasî li xwe bike, vê şewqeyê bide serê xwe, piyanî mîz bike! Elamete medeniyeta wan jî ev e. Ku tu rûniştî mîz bikî eyb e, ku tu piyanî mîz bikî, tu dibî modern!

Karên wan qeşmerî ye, ji heyata modern tu tiştî negirtine, ne senat (huner) û ne jî tiştên teknîkî girtine. Tim tiştên mûptezel, tiştên aîdî seksolojîyê, di qanalizasyonê de çî hebe, di vir de bi pêş ketine. Bi çend rojan berê, di rojnameyekê de min dît; hinek meriv digotin em di saha lîstika qumarê de li dinyayê yekemîn in. Rast e, di vê sahayê de yekemîn in. Lê di saha ilm û marîfet û kulturê de jî sifir in...

Van rojan nas û dost dipirsîn: "Mesut Yılmaz, baş xeber dide, tiştên xwe dibêje, baş e, wê bikaribe gotinên xwe bi cih bîne?"

Niha Mesut Yılmaz û Tansu Çiller dibêjin: "Me Anayol çêkir, çî rind e." Lê temamê Tirkiyeyê dizane ku, ji hev û din re çer dijûn dabûn. Li ber çavên temamî dinyayê ew bi zor anîn ba hev. Û şerm û fedî nakin, dibêjin: "Ez hikûmeta me ya Anayolê çî rind çêbû!"

Merivekî ku wiha li ber çavan, bi vî rengî derewan bike, wê meriv çer jê bawer bike?..

Ew kesê ku di vê sîstemê de gihîştî be, ji vê fabrikeyê derkeftî be, lazîm e mirov li wî û li gotinên wî zû bi zû bawer neke. Bi serê xwe jî nîn in, li serê wan çend bend hene. Mîna qûqê bi bend in û meriv nizane quwet di kîjan bendî de ye. Bendeke wan MOK

ye, yek Ewrûpa ye, yek Amerîkaye, yek jî di destê van dizên mezin de ye.. Îcar kêfa kî dixwaze ew bendê ber bi xwe ve kaş dike. Ji ber vê jî, carinan serokwezîrên wan aciz dibin, dibêjin: "Eh! Ev bend di destê kîjan bênamûsî de ye?!" Û xwe didin aliyekî, diçin.

Ji ber ku ev dewlet li tu qerarên xwe, li tu qanûnên xwe xwedî dernakeve, mirov di hedîseyan de bi awayê qanûna siyasî, bi awayê qanûna îçtîmaî (sosyal) nikare bigihîje qerarekê. Qaîde nîn e. Dibêjin, lê xwe nadin aliyekî, naçin.

Gotineke tirkan heye, dibêjin "Zurna da peşrev olmaz, ne çıkarsa bahtına." Çi zirnevan be, çi kemanvan be û çi bilûrvan be, xweş li aletan dixin, lê yên govendê digerin, ne li gorî hewayê mûzîkê dileyîzîm. Tirkiye jî ev e.. Heta ku sîstem neyê guhartin, tu tişt safî nabe, çareser nabe.

Dîsa gotineka tirkan hey e: "Lawik pir meqbûl e, mezbût e, lakîn cînar pûştin!"

Raste ku Mesut Yılmaz merivekî derewîn nîn be, bi texmîna min merivekî diz jî nîn e. Dibe ku dilê wî bixwaze ji bo wan tiştên ku dibêje, bike û îcabên gotinên xwe bi cih bîne. Lê nikare bike, ji ber ku di destê wî de tişteke tune ye. Têvger û şertên Tirkiyeyê ev e. Yılmazê reben wê çer bike, ji kê destûr digire, kî destûr didê, nadê; mirov nizane... Ji ber ku miriv nizane jî, divê meriv bawer neke.

Hezar çavşîn e

Tîrêjên hîvê ketine ser Hezarê
Bêsebir û bêhizûr
Hezar, di bêrika xwe ya germ de
Vedişêre mêvanê xwe
Zarokêkî di nozdeh saliya xwe de
dil rûbara evînê

Na hevalê çavşîn na!
Ev ne dilê dayika te ya bi qîr
û girîn e

Ev ava hezara tarî û sarî ne
Na hevalê min na, na kurê min na
Çavên te wekî şûrekî tûj, dibiriqin
Di tariya zilma xwînê û di tîrêjên
hîvê de
Lê tîrêjên hîvê xwîna porê
te nabin

Na hevalê çavşîn na
Tenê ava Hezarê ya şîn dikare
dest bide porê te

Tîrêjên rojê li ser Hezarê
Bi stêrkên berbangê ve
Bi hezar rengî ketine govendê
Şîn dibe bi hezar rengî Hezar
Careke din û ji nû ve.
Lê dayika te êdî serê xwe
natewîne

Û destê xwe şidandiye
Û dest wekî xwînê
Û dil wekî xwînê
Roj wekî xwînê
Tolhildana hezar salan êdî îsal e

Êdî iro ye û êdî niha ye
Û niha berbangê şefeqê
Dikeve silavê li ber dengê roketê
Û niha zarokên nozdeh salî
Gav bi gav neqîş dikin welatê
rojê

Û niha hevalên çavşîn keda xwe
dirijînin ser axa sar

Û niha zarokên nozdeh salî û
çavşîn
Xwîna xwe dirijînin ser ava sar
ya Hezarê


Li welatê me
Dayik kurê xwe dipêçînin
Di panzdeh salî ya wan de
Li welatê me

Dayik kurê xwe dişînin şer
Di panzdeh salî ya wan de
Û li welatê me

Dayik kurê xwe berdidin Hezarê
Di panzdeh salî ya wan de
Zarokên panzdeh salî û rûyên
bihêvî

Zarokên panzdeh salî, panzdeh
salî ku mane sêwî!
Û dayik careke din hambêz dikin
zarokên panzdeh salî û çavşînen
nozdeh salî

Û ku diçin bi Hezarê re
Û ku tîn, hambêza çiya
vekirîye ji wan re



Mehmet Şen

(Necip)

26.03.1994

Şehadeta we, talîmata bi serketinê ye
Hesiyeta we, têngihîştina jînê ye
Sozê we, şerefa me, namûsa me û
sonda me ye


An azadî! An azadî

Di salvegera duyemîn a şehadeta te
de ez hemû şehîdên azadiyê di şexsê
te de bi bîr tînim û girêdana bi wan
re, wekî sedemê jîyanê qebûl dikim.

NURAY ŞEN

Lenet li wan be ku bi navê îslamê nîjadperestiyê dikin

MEHMET METİNER



Çend roj berê, di demeke şevê de, gava ku min di navbera kanalên televîzyonên tirkan de zapîng dikir, ez jî bibînim, di Kanal E'yê de programeke munaqeseyî li ser "Mafên Mirovan û Demokrasî"yê hebû. Kesekî, bi navê Doç. Dr. Zekerîya Beyaz navê îslamiyetê bi kar dianî û nasnameya kurdan înkâr dikir. Zekerîya Beyaz, mirovekî wisan e ku, neteweperestîya tirk ji xwê re kiriye al. Wî tehsîla medreseyê dîtîye. Demekê muftîtiyê jî kiriye. Ji xoçeyên dîn ên Alparslan Türkes e. Di Rojnameya Ortadoğuyê de nivîskariyê dike, ku ew organa weşanê ya MHP'ê ye.

Bi Zekerîya Beyaz re, berê em di prgrameke televîzyonê de hatibûn cem hev. Ew bi xwe, di nav hewldaneke wisa de ye, ku dixwaze fikrên xwe yên nîjadperest û şoven bi navê îslamê pêşkêş bike. Ji ber vê yekê, ji yekî wekî min î ku hem bi dînê xwe ve girêdahî ye û hem jî nasnameya xwe ya kurdî diparêze, qet hez nake.

Zekerîya Beyaz, gava ku di programê de nasnameya kurdî hate rojevê tişt: "Li Tirkiyeyê kurd hene. Ew birayên me ne. Lê ew jî tirk in. Jixwe di madeya 66'an a qanûna me ya bingehîn de, tê eşkerekirin ku, her kesên li Tirkiyeyê dijîn, tirk in. Di vir de

maneya tirk, pirtir, di maneya çandê de ye." Birêz Beyaz gote ku, kesê bibêje li Tirkiyeyê "Pirsgirêka kurdan" heye ew "neyarên dewletê" û "cudaxwaz" in û ew bi fendên PKK'ê xapiyane. Di vê navê de jî tîr û tîr ji îslamiyetê behs kir. Biratiya îslamî û yekîtiyê bihevrebûna gel jî anî zimên. Her wiha wî, Serokê Komeleya Mafên Mirovan ê Şaxa Stenbolê (İHD) Ercan Kanar, wekî piştewanê PKK'ê sûcdar kir, çima ku wî PKK protesto nekir.

Uslûba Beyaz îxbarkar û sûcdarkar bû. Min xwe ranegirt û min dest avête telefonê û min hin pirs arasteyî birêz Beyaz kirin. Her hebin, rayedarên Kanal E'yê ev îmkân dan min. Lê ji ber ku ez gihîyabûn dawîya programê pir kêmtir dane min. Ez dixwazim, wan pirsên ku min arasteyî birêz Beyaz kiribûn, pêşkêşî we jî bikim.

Gava ku birêz navê min bihîst, di bin simbêlan re bişîrî. Min got ku, uslûba wî ya îxbarkar û sûcdarkar bi uslûba zanyarekî/ê nakeve û ez beşdarî axaftina wî ya ku li ser navê îslamê dike, nabim. Û min tavilê ev pirs arasteyî wî kirin. Gelo çima dema ku peyva kurd tê holê, birêz Beyaz dikeve nav hewlên ku kurdan dikine tirk? Bi ya min ev nêzikahîtdaneke nîjadperestî ye. Ku îslam nîjadperestiyê red dike. Birêz Beyaz, ku li ser navê dîn dipeyive, gelo dikare bibêje li gorî kîjan çavkaniyên îslamî gotinan serf dike? Bi qasî ku ez wî nas dikim, birêz Beyaz nîjadperestekî tirk î tund e. Ew bi xwe neteweperestiyê, li gorî dîn rewa (meşrû) dibîne. Ez jê dipirsim, birêz Beyaz, ê ku neteweperestîya tirk rewa dibîne çima li hemberî neteweperestîya kesên din derdikeve? Madem neteweperestî ne baş e,

çima ew bi xwe ve yekê dike?

Birêz Beyaz, got ku kurdên li Tirkiyeyê dijîn, ji aliyê çandî ve tirk in. Ev yek jî li gorî madeya 66'an a Qanûna Bingehîn eşkere kir. Em ferz bikin, li Kurdistanê Iraqê dewleteke kurdan bê avakirin û ev dewleta kurd, di qanûna xwe ya bingehîn, di madeya 66'an de binivîse, "her kesê ku li Kurdistanê dijî kurd e", gelo wê çaxê tirk an jî tirkman tev dibine kurd?

Hûn dizanin Zekerîya Beyaz çî kir? Ji dêla ku bersivan bide wan pirsên min, serf li riyên çivandinê da. Gote ku di îslamiyetê de neteweperestî rewa tê dîtin. Diyar kir ku, ramanên ji bo bilindbûna neteweyekê û xebat û hezkirina jê, ne nîjadperestî ye. Lê negot ka ji bo çî li dijî neteweperestîya kesên din e. Neda nîşan ku, ka li gorî kîjan çavkaniyên îslamê kurd "tirk" in. Ji pirsê min re, ya "Sibê roj dewleta kurdan çêbibe û di qanûna bingehîn de bibêje her kes kurd e", bersiva "Ez naxwazim li ser ihtimalan bipeyivim", da. Û xwe çivçivand.

Ew kesên ku li ser navê îslamê neteweperestiyê rewa dibînin, îslamê lekedar dikin. Îslam, dînê hemû nîjadan (îrqa) e. Li gorî îslamê tu nîjad ne raserî nîjadeke din e.

Ew, ji biratiya îslamî tenê vê fêhm dikin: Bi her kesê pejiwandina raseriya nîjada tirk.

Biratiya îslamî, navê daxwaza bihevretîya nîjadan a wekhev e. Ew kesên ku ji peyva kurd re tehemûl nakin, nikarin ji biratiya îslamî behs bikin.

Xwedê leneta xwe li wan kesan bike ku, li ser navê îslamê nîjadperestiyê dikin û wan ramanên xwe yên nîjadperest di bin perdeya îslamê de pêşkêş dikin.

Cil û bergên dora Mûşê



Li ser cil û bergan taybetiyên mîtolojîk jî tene dîtin. Rojnamevan M. Erdoğan dêhnê dikişîne ser vê yekê û wiha dibêje: “Kurd ji keskesorê re ‘bûka baranê’ dibêjin û sedema rengînûna cil û bergên jinên kurdan, ji vê yekê diqewime.” Heft rengên di keskesorê de xwedî teybetiyên dîrokî û mîtolojîk in. Di gel vê yekê, rengê sor, di cil û bergên kurdan de regekî sereke ye,

Çand, bi hebûna mirovan re çêbûye û di destpêkê de jî şewegirtina wê, ji ber xwe ve qewimiye. Ji ber nebûna zimanê axaftinê û nebûna nivîsê, mirovan pêşî bi zimanê bedenê ji hev fêm kirine. Ango bi îşaretan. Di vê demê de teqlîd di rewacê de ye. Bi vî awayî mirov ji hev fêm kirine. Bi peydebûna resim û nivîsê, ku êdî hem zimanê axaftinê û hem jî zimanê nivîskî derketiye holê, şewegirtina çandê jî bi lez û bez çêbûye.

Lê, gava em li vê demê binihêrin, em nikarin rastî cil û bergan (kostûman) bîn. Bi pêşveçûna mirovan re, di warê cil û bergan de, di warê xeml û xêzan de jî peresandinek rûdide. Di serî de mirov, xwe bi pelên mezin û fireh dinixumînin. Li hin deveran bi tenê ji navê berjêr, li hin deveran jî, tevî derên ji navê berjêrtir, pêstîrên xwe jî dinixumînin.

Bi qonaxa demê û bi pêşveçûna hacet û alavên hilberinê re, di warê cil û bergan de jî, cudatî xwe didine hesandin. Di dema nêçîrvaniyê de, mirovan ji bilî goştê heywanan, ji post û çermên wan jî îstifade kirine û ji wan, ji xwe re cil û berg çêkirine.

Di pey qewmînê di warê raçandin û pişeyan de, bi destpêkirina şer û cengan, bi peydabûna çînan (sîfan) di civakê de, bi derketina ji dema pîrxwedatiyê û ketina dema yekxwedatiyê, bi pêşveçûna senayiyê re, di warê cil û bergan de, di warê xeml û xêzan de jî guherîn çêbûn.

Di vê navê de, bandorên herî xuya yên li ser şewedayîna cil û bergan ol, mercên cografîk û endîşeyên estetîkî ne. Dema em bala xwe bidine cil û bergên kurdan, em bi hêsanî wan qonaxan dikarin bibînin. Her wiha, dema em li heykel û rolyefên ku ji şaristaniya Mezopotamyayê mane jî (ji sedsalên XXI û IX'an ên beriya zayîna Îsa) dinêrin, em vê rewşê dibînin.

Li ser cil û bergan taybetiyên mîtolojîk jî tene dîtin. Rojnamevan M. Erdoğan dêhnê dikişîne ser vê yekê û wiha dibêje: “Kurd ji keskesorê re ‘bûka baranê’ dibêjin û sedema rengînûna cil û bergên jinên kurdan, ji vê yekê diqewime.”

Heft rengên di keskesorê de xwedî taybetiyên dîrokî û mîtolojîk in. Di gel vê yekê bi ya me sebebê ku rengê sor di cil û bergên kurdan de regekî sereke ye jî ev e: Ji ber ku gelê kurd beriya îslamiyê, di dema pîrxwedatiyê de “agirperest” bûye û rengê sor jî şibandine agir, lewma. Her wiha rengê sor wekî sembola duristî û safbûnê jî hatiye pejirandin. Îro jî rengê sor û

kurd bêyî hev nayên fikirin. Ev gotina pêşiyar “Bila sor be, bila pênc qiruşên wî zêde bin” jî îspata vê yekê ye.

Çawa me got ku tesîra dîn li ser cil û bergan heye, her wisa ya cografîk û îklîmê jî heye. Cil û bergên herêmên çiyayî û sar, ji çol û cawên qalind hatine çêkirin; mirovên wê herêmê jî cilên teng li xwe dikin. Li deştê û deverê ku hilberîn lê bi pêş ve çûye jî, cil û berg hem tenik in û hem jî mirovên wan kincên fireh li xwe dikin. Jinên ku rewşa wan a aborî xweş e, bi gelemperî zêr û zîber û xişrên wan, zêr û zîv in. Jinên din jî morîk û zîv bi xwe ve kirine. Ev, bi gerdan, kofî û newqê ve tene kirin.

Piştî van agahiyan, îcar em dixwazin di vê xebata xwe de, li ser cil û berg û xemlên jin û mîrên dora Mûşê rawestînin.

Celebên wergirtinê

Girêdana serî ya keçikan: Li herêma me, girêdana serî ya keçikan xwediyê gelek celebên e. Ev jî, ji cudahiya mezheban tên. Keçikên ku porên wan dirêj in, porên xwe dihonin û dikine nêzikî 20 kezî û wan bi benikên rengereng girê didin. Pişt re kofî didine serê xwe. Gulik pê ve tene kirin. Di pey de, nêzikî heft pûşiyar, ku her yek jî regekî ye, li dora kofiyê tene girêdan.

Di warê girêdanê de, keçikên ku ji mezhebên şafîî ne, goftik (girêk) diavêjine pûşiyar ku dikevin rast û çepê eniyê. Keçikê ku ji mezhebê alewî ne, bi tenê goftikekê diavêjine pêşeniya xwe. Bi gelemperî, piştî girêdana kofiyê, lêçekeke an jî pûşiyek bi ser serê xwe de nakin. Gava keçik dizewicin, îcar pûşiyek an jî lêçekeke spî diavêjine ser serê xwe. Her wiha pereyê zîv, kevirên hêja û xişir bi dora kofiyê ve tene kirin.

Girêdana serî ya jinan: Piştî ku keçik dizewicin jî, kofiyê didine serên xwe. Heft pûşiyên rengîn, li ser hev tene danîn û li dora kofiyê tene girêdan. Girêkê jî diavêjin peşiyê. Çawa cudahiya girêdana pûşiyê di navbera keçikên şafîî û alewî de hebû, her wisa di navbera jinan de jî heye. Gava ku jinên ji mezhebên alewî pûşî girê didin, kofiyê diavêjin pêşeniya xwe. Her wiha kofiya wan mezin û bilind e. Li ser serî tîkê disekine. Jinên ji mezhebên şafîî jî goftikê diavêjin rast û çepê eniya xwe. Kofiya wan hinekî biçûk e. Kofiya xwe jî an bi aliyê rastê an jî, bi aliyê çepê ve xwar dikin. Her du hêl jî, lêçekeke spî an jî, pûşiyekê diavêjine ser kofiyên xwe. Pişt re jî



● 31 adar: Roja Bîranîna Şehîdên Kurdistanê

Di meha adarê de kesên wekî Mazlum Doğan, Mahsum Korkmaz, Zekiye Alkan, Rahşan Demirel, Qazî Mihemed, Ronahî, Bêrîvan şehîd bûne. Û gelekên bênav di oxira doza pîroz de serî danîn. Armanca tevan jî yek bû: Kurdistanê serbixwe û azad.

● 6 adar 1963

Kovara bi navê Keko hate weşanadin. Ev kovar bi pêşkêşiya Ahas Izol û xwendevanên Siwêregî yên ku li Zanîngehên Enqereyê dixwendin hate weşandin. Di sala 1965'an de jî, dîsa Abas Izol bi xwendevanan re di kovara Kormişkan de cih digire.

● 4 avrêl 1993

Hêzên dewletê li Cizîrê, li hemberî gerîlayên PKK'ê, serê sibehê êrişek pêk anîn. Zarokêk û sê kes jî aliyê hêzên dewletê ve hatin kuştin. Di vê êrişê de hêzên dewletê, du roket jî aavêtin ser Buroya Rojnameya Özgür Gündemê.

● 5 avrêl 1994

Hikûmeta Tirkîyeyê qerareke bi navê 5'ê avrêlê hilda. Ev qerar, ji bo ku dewleta tirk li Kurdistanê şer bidomîne hate standin. Di nava heftiyekê de enflasyon % 80 bû % 150. Dolarekî Amerîkayê jî 14 hezaran derkete 30 hezarî. Bi hezaran kes jî ber wî qerarî, îflas kirin.

AWIR



Di warê girêdanê de, keçikên ku ji mezhebên şafî ne, goftik (girêk) diavêjine pûşiyên ku dikeve rast û çepên eniyê. Keçikê ku ji mezhebê alewî ne, bi tenê goftikekê diavêjine pêşenîya xwe. Bi gelemperî, piştî girêdana kofiyê, lêçkek an jî pûşiyek bi ser serê xwe de nakin.

pûşiyekê din li dorê dipêçin û ji paş ve tê girêdan. Wekî din jî, jin serê xwe bi egal an jî kofiyê dinixumînin.

(gorûk) tîn wergirtin.

Zêr û ziber

Li serî kofî û li ser wê jî taca zîvîn heye. Kofî bi xişirên cihê cihê tê xemilandin. Zêr û zîv bi benan ve tînin kirin û bi dora kofiyê ve tê danîn. Morîkên rengîn jî pê ve tînin kirin. Ev hemû bi pêşiya kofiyê ve tînin kirin. Her wiha bi rast û çepê kofiyê ve jî, şirîtên zîv an jî zêran tînin kirin.

Jin rûyên xwe ji dideqîn û xizmeyê bi pozê xwe ve datînin. Morîkên ji her celebî û rengîn dikine stûyê xwe. Zêran jî bi eynî awayî dikine stûyê xwe. Bazinên zîv, morîkên rengîn dikin zendên xwe. Zîv, zêr û pûlan bi guhên xwe ve dikin. Xalxalan jî dikine piyên xwe. Li herêmê morîkên ji rengên sor, şîn, reş bi giştî tînin hezîkirin. Pîr ciwan tev, wan bi xwe ve dikin.

Wergirtina kincan

Fîstan; ji qutnî û qumaşên din tîne çêkirin. Gava ku fîstan tê wergirtin, li binî derlingeke ku devzendikên wê bi bişkoka in, li xwe tê kirin. Piştî re jî binkiraskek tê wergirtin. Milên binkiraskê dirêj û bi bend in. Dirêjahiya wî jî, li gorî jinên ji mezhebên şafî û alewî diguhere. Ên şafîyan, dirêjahiya wî li biniya çokê ye, yên alewîyan li seriya çokê ye. Di ser wî de îcar fîstan, tê wergirtin. Du parçeyên fîstan, ku sê tew in, yên li pêş, ji paş ve li navê tînin girêdan. Bi gelemperî jî li herêmê jinên navsere vî fîstani li xwe dikin. Wekî din, hin jin pêşmalê jî didine ber xwe. Zendikan bi milan ve datînin. Goreyên rengîn dikine piyên xwe. Her wisa, goreyên sade jî tînin bikaranîn. Di pey de jî carik û harik

Fîstanê pêşvekirî û yê dûz

Kesên ku fîstanê pêşiya wî vekirî li xwe dikin, di binî de jî derlingê ku devzendikên wê bi bişkoka in jî bi bend in, wergirtin. Di bin de jî binkiraskekî sade an jî bi şelk û reng li xwe dikin. Bi ser binkiraskê de jî fîstanê pêşvekirî û bi ser wî de jî fîstaneke dûz û ku pêşiya wî bi xeml e, li xwe dikin. Piştî ku fîstan tê wergirtin, dawa wî tê berhevkirin û li navê tîne pêçandin, her wiha dixine ber qûşaxê jî. Awayên din ên wergirtinê jî hene.

Newq

Li navê kemberên zîv, qûşaxên ji rîs û yên din, tînin girêdan. Heke ev qûşax mezîne be, li herêmê jî wan re "pişt" tê gotin.


Kesê ku bixwaze, bi ser fîstan de cepken (mîntan) jî li xwe dike. Milên cepkenê dirêj û kêlek û pişt jî xerçekirî ne. Piştî re jî sîngpêşî ku li herêmê navdar e, tê wergirtin. Her du serê jêr jî, li navê (newqê) tînin girêdan. Her du serê din jî, li pişt stû tînin girêdan. Sedemê ku sîngpêşî tê wergirtin ev e: Ji bo ku bersîng qirêjî nebe. Ji hêla din ve, ji bo ku dawa fîstan û mil qirêjî nebin, pêşmal û zendik jî tînin wergirtin.

Li herêmê keç fîstanên ku pêşiya wan bi xeml û dûz e, ne vekirî ye, li xwe dikin. Fîstanên ku pêşiya wan vekirî ne, jinên navsere wergirtin.

XELEF ZINARÎN
Wergera ji tirkî:
ZANA FARQÎNÎ
Dûmahîkê heye

ÇAVDÊRÎ

MÎRHEM YİĞİT



Hefteya Lehengên Kurdistanê

Hefteya Lehengên Kurdistanê, ji 21'ê adarê dest pê dike û heta bi 28'ê meha adarê dewam dike. Roja 21'ê adarê roja şehîdbûna Mazlum Doğan û 28'ê adarê jî ya Mahsum Korkmaz (Egî) e. Lehengî, mîrxasiyê mezîne û dîrokî ye. Broşûreke têkêşerê bêtirs Apê Osman Sebrî heye navê wê "Çar leheng" e. Giştî xwendevanên Azadiya Welat nebin jî, beşek ji wan ev broşûr xwendine an jî navê wê bihîstine. Lehengên me îro ne çar kes in, bi sedan in. Yeko yeko hejmartina wan, rêzîkirin û nasandina wan mijarê nivîseke wiha kurt e. Di nav erkên rewşenbîrên Kurdistanê de berzîkirin, nasandin û popûlerkirina lehengên Kurdistanê jî, erkeke sereke ye.

Welatê me bûye warê şehîdan. Li her parçeyê Kurdistanê roja me bîşehîd derbas nabe. Her şehîd lehengek e û her leheng jî, mêjî û dilê me ye. Dilê me di şehîdbûna lehengên me de lê dide û lehengên me ji bo me bûne can, xwîn û dermana jiyane. Şehîd û lehengên me damarên jiyana me, pencereyên ronahiya me û çavîyên bêhn û nefesa me ne. Em muqawemet û berxwedana xwe, hêz û kaniya israra xwe û teqet û qiramên çokên xwe, ji şehîd û lehengên xwe digirin û ew in yên ku ji bo me dibin bask, merta û çeper û me ji tunebûn û windabûnê diparêzin.

Leheng û şehîdên me mîrxastiirin û fedekartiirin law û keçên gelê me ne. Baştîrin dirûv û nîşanên neteweya kurd di şexsiyeta şehîdên Kurdistanê de bi laş û gewde bûne.

Gava ku em çavekî biavêjin dîrok û derbasbûna xwe, em dibînin ku em pîr ketine û rabûne, em di nav ketin û rabûnê de hatine heta bi îro. Serpêhatî û boblatên tîne serê me, êrişên berê wan li me, hezar dewletên dijmin ku 24 saetan agir li me dibarînin û bi kurtî rewşa gelê me ku tê de ye, ji çu neteweyên din re li cîhanê nebûye nesîb.

Bindestîya neteweya me û pîrsa kurd û Kurdistanê, orjînal û bêmînak e. Ev orjînalîte û bêmînakî bi xwe re hewcedariyên xweser hildigire û barê şoresger û rewşenbîrên welatê me bîpîvan giran dike. Mal, dewlemendî û namûsa me li ber talanê ye. Em rût û tazî hatine hiştin. Destên zalim û çavsoraniyê di qirika me de ne. Ne carekê, belê bi dehan car em ketine ber sikratan û em ji qeraxa geliyê mirinê vegeyane.

Parçebûnên Kurdistanê, perçiqandinên serhildanên Kurdistanê, şikestinên serokatîyên Şêx Seîd, Îhsan Nûrî Paşa, Seyîd Riza, Qazî Mihemed û Berzanî, hatine rejîma 12'ê rezberê (îlonê) û rewşa paş Qetlîama Helebçeyê çend bêhnîkên nefesbir û bêhnçîkên in, ku ruhsitên berdane pêxêra me û şîrê heftrojî di pozên me re daye avêtin. Belê ev qas tişt û felaket hatine serê me û heger bi ser wî qasî de, em îro li ser lingên xwe mane, me çokên xwe nedane erdê û di nav gelên Rojhilata Navîn de em bûne sidyanê hesinî, ev ne kerametê e gelo?

Na, ev ne karê kerametê û mucîzeyan e. Keramet û mucîze ji kesî re ew qas xizmetê nakin. Kerameta mezîne, berxwedana gelê me û awe û şeweyê şehîdbûna şehîdên me, qerardarî û nedudiliya lehengên welatê me ye. Bêgûman di nav şehîd û lehengên me de cihê Mezlûm Doğan û Mahsum Korkmaz gelek xweser û taybet e.

Em bi minasebeta Hefteya Lehengên Kurdistanê giştî şehîdên xwe bi bîrtînin, li hemberî xatîre û bîranînan wan bi rêzdarî serê xwe ditewînin û ev hefteya lehengan li hemû gelê me pîroz be, dibêjin.



Kesin ji heyeta îtalî, ji milê rastê ve: Rojnameger Enrico Fovanna, parlementer Angela Bellei, Anna Marcani û keça wê Daria Dell'Antonia û Alessandra Muricci.

Ji bo çavdêriyê di Newrozê de gelek delegasyon hatin Tirkîyeyê; piraniya wan jî çûn Kurdistanê. Ji van heyetan, heyeteke îtalî roja 23'ê adarê hatin serdana Azadiya Welat jî. Hevalê me SAMI TAN hin pirs arasteyî wan kirin. Ji heyetê, Daria Dell'Antonia hem pirsên me bersivandin û hem jî gotinên hevalên xwe ji me re wergerande îngilîzî. Em vê hevpeyvînê pêşkêşî we dikin.

● *Hûn dikarin li ser delegasyona xwe, me agahdar bikin?*

– Em delegasyoneke îtalî ne û ji 11 kesî pêk hatine. Ji bo Newrozê em hatin ku rewşa kurdan li Tirkîyeyê, bi taybetî jî li Kurdistanê bibînin. Di nav delegasyona me de endameke parlamentoyê Angela Bellei, ku ji Koma Komünîst e, heye. Ji bilî wê, nûnerên sendikayan, nûnerên Komeleya Aştî û Piştgiriyê, endamên komeleya bi navê “Pirra ber bi Amedê ve” (komeleyeke ku ji bo piştgiriya Kurdistanê xebatê dike)

hene. Her wiha di nav me de ji kesên ji komîteya bi navê “Comitato Goulfo” heye. Ev komîte li ser têkiliyên navneteweyî, bi taybetî jî li ser şer weşanekê derdixe. Dîsa di nav me de endamên hinê komeleyên din û rojnamegerê ji rojnameya “Il Journo” cih digire. Ev kes di heman demê de nivîskar e jî, pirtûkeke wî li ser Kurdistanê heye. Ew pirtûk bi şeweya romanê hatiye amadekirin û naveroka wê li ser Kurdistanê ye. Pirtûk wê di mehên pêş de bikeve çapê.

Em çûn Kurdistanê, em 5 rojan li Amedê man. Me li Amedê gelek tişt dîtîn, em çûn serdana malên li derdora Amedê, em bi mirovan re peyivîn. Me xwest, em derkevin derveyî Amedê, bi-

çin Licê, Sêrtê, heta Culemergê. Lê destûr nedan ku em derkevin derveyî Amedê. Me Newroza xwe li Amedê derbas kir, em beşdarî pîrozbahiyên li “Batikent”ê bûn. Di vê pîrozbahiyê de 5 hezar kes hebûn. Serokê HADEP'ê Murat Bozlak jî hate axaftinek kir, gel pir bi aram bû, bi dilekî şad Newroz pîroz dikir. Piştî axaftina Bozlak, polîsan gotin, pîrozbahî qediya, mîlet belav dibû, lê dîsa jî ew bi sê tankan ketin pey gel. Li wir 6 polîsên resmî û gelek jî yên sivil hebûn. Paşê em hîn bûn ku, 15 mirov hatine girtin û hin kes jî birîndar bûne.

Em hatine vir ku tiştên diqewimin, bi çavên xwe bibînin. Me wêne kişandin, bi mirovan re hevpeyvîn çêkirin. Piştî ku em vegehin, emê gelekî bixebitin; ji bo ku gelê îtalî agahdar bikin der barê rewşa vê derê de. Em berê jî dixebitîn, me kampanyayê li dijî firotina çekan a ji bo Tirkîyeyê daye destpêkirin. Me xwe bi rêxistinî kiriyê, heta ji bo piştgiriyê me sê tûrneyên konserê organîze kirine; em di parlamentoyê de xebatê dikin. Angela Bellei vê xebatê di nava Komeleya bi navê “Aştî ji Kurdistanê re” tevî 114 mebûsên din, dimeşîne. Kesên di nava vê komeleyê de bi hemû şiyana xwe dixebitin ku bandorê li hikûmeta îtalî bikin, da ku peywendî-

yên baş ên di navbera wê û hikûmeta tirk de qut bibin.

● *Hûn çûn Kurdistanê, hûn karin li ser rewşa gelê kurd û bandora şer çêbibêjin?*

– Me dizanibû ku li gelê kurd îşkence tê kirin, lê cara yekemîn e ku ez diçim Kurdistanê, ez gelekî di bin bandora rewşa gel de mam. Min gelek mirov dîtîn ku ji piyên xwe qop bûn. Wisa xuya bû ku gelek însan ji ber îşkenceyên hêzên tirk ji piyên xwe bûbûn. Me rewşa mirovên ku ji cihûwarên xwe bûne û niha li derdora Amedê dijîn, dît û li ser vê mijarê me gelek belge bi dest xistin. Me fêhm kir ku, em hatine welatekî di bin dagirkeriyê de lê şer heye. Min li welatê xwe tu car ew qas çek, leşker, polis û sixur bi hev re nedîtine. Di pêvajoya hemû gera me de, li pey me polis hebûn. Dema em hatin Stenbolê jî, polîsekî ji hevalê me pirsî ka emê biçin kîjan hotelê. Ji bo me ew êrîşeke mezin e, li tu welatên demokratîk tiştên wisa çênabin. Hikûmeta me, Tirkîyeyê welatê demokratîk dizane, lê em nikarin ji vê yekê bawer bikin.

● *Nêzîktêdayîna gelê îtalî ya li ser kêşeya kurd çawa ye? Li ser vê mijarê çî tê zanîn?*

Me fêhm kir ku em

Em agirbesta PKK'ê ne wekî nîşana qelsiyê, lê wekî nîşana xurtbûnê dibînin. Ew bi vê yekê nîşan dide ku diyalogê dixwaze. Hikûmeta tirk jî bi vê helwesta xwe nîşan dide ku diyalog û çareserîya meseleyê naxwaze.

Kêşeya kurdî li Îtalyayê hîn gelekî nû ye. Lê, dîsa jî wekî me berê jî got di parlamentoyê de komeleyeke ku piştigirîya kurdan dike heye, bi navê "Aştî ji Kurdistanê re." Ew zor dide endamên parlamentoyê da ku ew bînpêkirina mafê mirovan ên li Tirkiyeyê bibînin.

—Bi dîtina min li Îtalyayê agahiyên gelekî xerab li ser kêşeya kurdan hene. Berî sê salan, di hin rojnameyên ewrûpî de li ser tûristên ku ji aliyê gerîla ve li ser çiyayê Agirî hatibûn girtin, hinek nûçe derketin. Hingê me fêhm kir ku, li Tirkiyeyê kêşeya kurdî heye. Piştî wê hinek kesan li ser vê meseleyê dest bi xebatê kir. Lê, di warê peydakirina agahiyên rast de gelek arîşe hebûn, ji ber ku rojnameyên îtalî bi tenê dîtînen aliyekî didan. Di nava xebatê de, ji bo peydakirina agahiyên rast, me hinek rê dîtî. Me hinek rojname û radyoyên ku li ser vê kêşeyê hasas in, nas kirin. Ez bawer im, vê delegasyona me jî gelekî bîstûd be, di warê agahdarkirinê de.

● *Papa John Paul li ser kurdan hinek mesajên piştigiriyê dan, wî got: "Mafê gelê kurd ê aştîyê heye", hûn vê çawa dinirxînin?*

—Erê, wî di roja sersalê de dema qala Rojhilat kir, li ser kurdan jî hin tişt gotin. Di 25'ê berfanbarê de delegasyoneke mezin a jinên kurd ji Ewrûpayê hatibû, ew çûn ba Papa. Wî jî di axaftina xwe ya Christmasê (sersal) de gote ku mafê gelê kurd ê aştîyê heye. Wekî şexs bawerîya min ev e ku Papa kare jî bo gelê kurd tiştên ji wê bêhtir bike, lê ew gotin, ji nekirina tu tiştî çêtir e.

● *Helwesta hikûmeta îtalî ya li hemberî gelê kurdan çî ye?*

—Hikûmeta îtalî bi hikûmeta tirk re xwediyê peywendiyên baş e. Li ser kurdan jî tu eleqeya wê nîn e. Bi awayekî fermî hikûmeta îtalî hebûna şerê li Kurdistanê napejirîne. Kêşeya kurdî wekî meseleyeke hundirîn a dewleta tirk û wekî meseleya terorîzmê dibîne.



Li Amedê, li Nevroza 1996'an dîmenek

Lewre dijwariya yekemîn a li ber me, danfêhmkirina bînpêkirina mafên mirovan a li vir û nîşandayîna jenosîda ku tê kirin e. Lewre, bi awayekî fermî nayê pejirandin ku, li Tirkiyeyê jenosîdek li ser mirovên sivil heye.

● *Hûn karin li ser tevgera demokratîk, bi taybetî jî ya komunist a li Îtalyayê çî bibêjin?*

—Partiya komunist, her tim di warê nakokiyên li seranserê dinyayê de çalاکdar bûye, her wisa di warê kêşeya kurdî de jî çalاکdar e. Di parlamentoyê de, hinek komên din ku bi çavekî baş li kêşeya kurdî dinêrin jî hene, lê hejmara wan hindik e. Kêşeya kurdî li Îtalyayê hîn gelekî nû ye. Lê, dîsa wekî me berê jî got, di parlamentoyê de komeleyeke ku piştigirîya kurdan dike heye, bi navê "Aştî ji Kurdistanê re." Ew zor dide endamên parlamentoyê ku ew bînpêkirina mafê mirovan ên li Tirkiyeyê bibînin. Di vê komeleyê de ji hemû partiyên mebûs hene, lê hemû endamên partiyên neketine bin bandora vê komele. Ji her partiyê şexs tevî komeleyê bûne. Ew gelekî dixebitin, bi taybetî der barê bînpêkirina mafên mirovan de.

Dema Özgür Ülke hate bombekirin, wan ev bûyer anîn rojê parlamentoyê. Bûyer, wekî kirineke ne-mirovî ji bo birîna gelekî hindikahî, hate diyarkirin û hate gotin ku, divê ev tişt neyê pejirandin, mafên kurdan bîn nasîn.

● *Li gorî nirxandina we, çima dewletên ewrûpî, piştigiriyê didine Tirkiyeyê?*

—Ji bo ku dewletên ewrûpî, ji gelek aliyên ve girîngiyê didin Tirkiyeyê. Ew ji aliyê aborî ve girîngiyê didin, da ku

ew çekên xwe bifiroşin Tirkiyeyê, jê gelek pereyan kar bikin. Cihekî girîng didin Tirkiyeyê, di warê stratejîk de. Ji ber ku ew li Rojhilata Navîn Tirkiyeyê wekî hevalbendekî mezin dibînin. Lewre jî gelek sedemên wan hene, ji bo ku alîkariya Tirkiyeyê bikin.

Dîsa, Tirkiye endamê NATO'yê ye, ji ber vê jî dewletên ewrûpî divê çekan bifiroşin û di warê aborî û siyasî de rê li tengaviyên wê bigirin. Ji bo vê wan Tirkiye xist nava Yekîtiya Gumrikê.

● *Nûnerên komunistan di Parlamentoya Ewrûpayê de hene? Heke hebin çî xebatê dikin?*

—Nûnerên wan hene di Parlamentoya Ewrûpayê de, lê ne gelek in. Wan li dijî ketina Tirkiyeyê ya nava Yekîtiya Gumrikê xebat kir. Niha ji bo ku Tirkiye nebe endamê Yekîtiya Ewrûpayê, ew xebatê dikin û bînpêkirinên mafên mirovan li Tirkiyeyê protesto dikin. Lê ji ber ku hejmara wan ne gelek e, zêde tesîrê nakin.

● *Li ser PKK'ê hûn karin çî bibêjin? Gelo PKK tevgera sosyalist e, an neteweperest e, çî ye?*

—PKK tevgera rizgariyê ye, tevgera azadiyê ye ku gelê kurd temsîl dike. Ji ber ku, tu riyên din li ber nemane, ew bêgav maye ku rahêje çekan.

Di vî warî de rojnameger Enrico Fovanna cuda difikire, ew dibêje: "Divê PKK çekên xwe deyne, da ku ew wekî aliyekî diyalogê were pejirandin.

Lê, Mebûsa Koma Komunist Angela Bellei li dijî wê dîtîne, bi bir dixe ku Zapafîstan hikûmetê kişandine ser maseya diyalogê. Ji ber ku mînakên bi wî rengî hene, hewce nake PKK çekên

xwe deyne.

● *Li Tirkiyeyê hin sosyalist, komunist agirbesta PKK'ê wekî teslîmbûnê bi nav dikin, hûn çawa dibînin?*

—Enrico Fovanna agirbestê wekî nîşana niyeta PKK'ê ya ji bo vekirina rîya diyalogê û wekî gaveke bikêr dinîxîne.

● *Dewleta tirk bersivê nade agirbestê, bi PKK'ê re nakeve diyalogê?*

—Em agirbesta PKK'ê ne wekî nîşana qelsiyê, lê wekî nîşana xurtbûnê dibînin. Ew bi vê yekê nîşan dide ku, diyalogê dixwaze. Hikûmeta tirk jî bi vê helwesta xwe nîşan dide ku diyalog û çareserîya meseleyê naxwaze.

● *Ez dixwazim pîrsa xwe ya li ser helwesta sosyalîstên tirk arasteyî birêz Angela Bellei bikim.*

—Ew wekî komunistên îtalî, PKK'ê wekî tevgera rizgariyê dibînin û hurmetê nîşanî biryara wê ya li ser agirbestê didin. Angela Bellei agirbestê wekî nîşana xwestina diyalogê û cesareta PKK'ê dibîne. Ew dibêje: "Bi ya min ev dîtina sosyalîstên in tirk ne di cih de ye. Komunist ne mecbûr in li ser her mijarê wekî hev bifikirin."

● *Wekî pîrsa dawîn birêz Bellei rewşa tevgera komunist bi gîştî çawa dinirxîne?*

—Ew dibêje ku wê li ser welatên Rojhilat tu nirxandin nekiriye. Ji ber ku ew wan wekî şeweyeke diktatoriye dibîne. Her wiha ew diyar dike ku divê komunistên her welatî li gorî rewşa welatê xwe bifikirin, tiştên ku pêdiviya gelê wan pê heye, bikin.

tine welatekî dagirkirî

'Emê wan qanûnan bidin bin piyan'

Pirtûka yekemîn giranî dida nivîsên li dijî madeya 8'an, pirtûka nû tevî van nivîsên bi vî rengî, wê nivîsên li dijî madeyên antî-demokratîk ên din wekî: 311, 312 (madeyên antî-terorê), 159, 155 (madeya rexnekirina artêşê) jî bihundirîne. Emê van qanûnan jî bidin bin piyan, niha ji derve jî piştgirî tê. PEN'a Îngilîz dest pê kiriye, îmzeyan berhev dike.



Sanar Yurdatapan

Sanar Yurdatapan: Di sala 1941'an, meha îlonê de ez hatime dinyayê; di nava şerê cihanê de li Susurlukê (qesebeyekê biçûk a Balikesirê.) Ji ber ku bavê min leşker bû em her gav diçûn deverekekê. Dema min xwe nas kir, em li Bursayê bûn, min pola sêyemîn a fêrgeha seretayî li wir xwend. Pişt re em hatin Stenbolê, polên çar û pêncan jî min li wir xwendin. Dûv re bavê min wekî fermandarê Tugayê şandin Îskenderûnê, em du salan li Îskenderûnê man. Paşê piraniya jiyana me li Enqere û Stenbolê derbas bû, lê ji Amedê heta Sarîqamîşê havînan an di bêhnvedanê de ez diçûm hemû derên ku bavê min li kar dikir.

Tevî ku ez ji malbateke leşker bûm jî, min ji bavê xwe pêkutî nedît, pir bavekî dilovan bû (li hemberî kesên din çawa bû, ez wê nizanim.)

Zêde têkiliya min bi muzîkê re nûn bû, di pola sêyemîn a fêrgeha amadehî de mamosteyê min î muzîkê Kemal İlerici (gelek kerd dabû muzîkê, li ser armonîkirina muzîka gelêrî dixebitî), ez xistim beşê muzîkê. Lê dema min dest bi lîseyê kir, ji ber ku wêne bi min hêsan hat, ez ketim beşa wêneyê. Kemal Xocê ji min xeyidî dema min dev ji muzîkê berda. Piştî ku min lîse kuta kir, meyla min çû ser muzîka popê, he-ta nivê şevê min guh dida radyoyê.

Di sala 1959'an de wexta ez çûm Enqereyê, Fakulteya Fenê, bi navê "Kuyruklu Yıldız" (stêra bi dûvik) me komek ava kir. Wê demê di nava nişên nû de pêşî wek teqlîda rojavayîyan, gurbûneke wê muzîkê dest pê kiribû, koma me jî yek ji pêşengên wê tradîsyonê bû. Paşê ji nişka ve min xwe di nav refên muzîkvanên profesyonel de dît, min bas-gîtar lê dida.

Dûv re jî min bi xwe gelek orkestra

ava kirin, ez bi salan tê de xebitîm. Di salên 1960'î de bi bandora kovara Yö-nê mijarên civakî bala min kişandin; di sala 1965'an de ez bûm endamê Partiya Karkeran a Tirkîyeyê (TİP). Heta ku partî parçe bû jî endamtiya min dewam kir. Dema partî parçe bû, min nizanibû ezê çi bikim, di warê polîtîkayê de min ji xwe re tu cih nedît, lewre min giranî da xebata pîşeyî. Salên cûntaya 1971'î bi vî awayî derbas bûn.

Di sala 1972'yan de tevî Attila Özdemiroğlu me firmayeke çêkirina muzîkê ava kir, firmayeke bi vî rengî heta wê çaxê li Tirkîyeyê tune bû. Ne şirketa plakan bû, ne tişteki wisa. Me digot emê her cure muzîkê çêkin. Xebatên wê firmayê gelekî bi serkeftî derbas bûn. Ez dikarim bêjim, gelek stranbêjên wekî Nilüfer û Sezen Aksuyê jî bi vî firmayê dest bi kar kirin. Di sala 1977'an de ji ber boykotekê me dev ji vî xebatê berda, ji xwe êdî xebatê qels bû-bûn; ez û Attila Özdemiroğlu bi dostanî ji hev veqetîn.

Me bi navê "Demar" saziyek ava kir. Vê saziyê ji hunermendên demokratîk ên wekî Timur Selçuk, Zülfü Livaneli, jina min a berê Melike Demirağ û Ruhi Su re (di demên dawî de beşdar bû), wekî buroyeke sekreteriyê kar dikir.

Vê saziyê pir dom nekir, cûntaya leşkerî ya 1980'yî hat. Berî ku cûnta were ez û pîreka xwe em li hev rûniştin, me biryara xwe da û ji bo xebatên teşhîrkirina cûntayê em derketin derve.

Em 12 salî li derve man, di vî navê de jî em li gelek welatan geriyay; ji Awistralyayê heta Rûsyayê, ji Dewletên Yekbûyî yê Amerîkayê heta hema bi-bêje hemû welatên Ewropayê.

Pişt re jiyanekê me ya rihvedayî jî çêbû, me bi xwe re keçeke yek salî biribû, dema ku wê rebenê karibû vegere Tirkîyeyê, ew êdî keçikeye 14 salî bû. Di sala 1991'î de dema hikûmeta nû tevî gelek waadan hate ser kar, em jî zivirîn Tirkîyeyê. Êdî em hemwelatîyê Almaniyayê bûn, paşê mafê meylî hemwelatîya Tirkîyeyê jî li me vegerandin.

Dema ku em nû vegerîn, awaza demokrasiyê bilind dibû, wê qereqol şefaf bûbûna, gelek waadên hikûmetê hebûn. Digotin wê sistema cerdevaniyê, tîmên taybetî û rêveberiya ne-asayî jî holê bê rakirin û hwd. Vegerîna me rastî wan rojan hat, xwestin me jî wekî parçeyekê wê şowa xwe ya demokrasiyê nişan bidin.


Wezîran em ezimandin. Ez hişyar bûm, heke demeke kurt wekî 'Bihara Pragê' bihata jiyandin jî, min dizanibû ku ew pir dom nake. Pişt re jixwe xirecira ku derket li ber çavên me qewimî. Ji bo meşandina van polîtîkayan yek rê heye; divê civak bêrêxistin be, nikaribe dengê xwe derxe. Jixwe paşê we jî dît, di qanûna bingeşîn a ku cûntayê amade kiribû de, bi tenê çend guherînên biçûk ku wan eleqedar dikin, çêkirin. Wekî din destê xwe nedanê, mîna berê hiştin, hê jî rejîma cûntayê dewam dike.

Têkoşîna li hemberî sûcê derbirîna amanê, êdî gihîştîye radeya serhildaneke medenî. Ji me re dibêjin 'Ev qanûn in, divê hûn li gorî wan hereket bikin' em jî dibêjin, 'Na, em van qanûnan nas nakin, êdî çi dikin, hûn dizanin.'

Têkoşîna li hemberî sûcê derbirîna ramanê ev demeke dirêj e ku tê dayîn. Lê cudatiya van çalakiyên niha ev êdî gihîştîye radeya tevgereke serhildaneke medenî (serînetewandina sîvîl). Ji me re dibêjin 'Ev qanûn in, divê hûn li gorî wan hereket bikin' em jî dibêjin 'Na, em van qanûnan nas nakin, êdî çi dikin, hûn dizanin.' Ev ne yekem car ku çalakiyêke bi vî rengî çêdibe, lê çar-pir bi girseyî hate lidarxistin. Hevalên me êdî îfadeyê jî nadin, bi kurtebirî dibêjin, "Min bi daxwaza xwe ew pirtûk îmze kir." Tiştê ku bû sedema vî bûyê, lêpîrsîna der barê Yaşar Kemal dî bû. Nivîsa di Der Spiegelê de hatibû weşandin, bûbû sedema lêpîrsînê.

Lê me di vî warî de rekorek şikand, 1080 kesî navê xwe dan nivîsandin. Pirtûka yekemîn bi vî awayî derket holê. Xaleke qanûnê heye li Tirkîyeyê, weşandina nivîseke ku mijara sê e, dibe sedema sîceki nû, heke weşandin kar bibêje, "Ez ne bi wan ramanan me jî, yekî din wekî berpirs nişan bidin jî", dîsa tê mehkûmkirin. Ew qanûn dema otosansûreke hişk e. Kes newê nivîseke ku hatiye cezakirin, careke dî bide weşandin.

Ez gelekî kêfxweş im, ji ber ku navê wê koma me de bi tenê insanên çepgir û kesên ku bi demokratbûna xwe hatine nasîn tune ne, kesên rastgir hene. Ne tenê nivîskarên ku wekî alîgirê sermayedaran in, sermayedarên xwe jî di nav me de cih digirin. Ömer Çavuşoğlu yek ji wan kesan e, ku niha em bi hev re tîmê darizandin. Ji derdora îslamî jî hin kes hene, ew jî hatin pirtûkî îmze kirin. Ji niha şûn de, emê pirtûkêke nû amade bikin. Hejmara îmzeyan ji 30 hezarî borî, gelek îmzeyan me qebûl nekirin, ji ber ku navê wan kesên ku îmze kirine ne diyar e, an kêmasiyên din hene.



ÇALAKIYÊN li NÇM'ya Stenbolê, vê hefteyê hem ji aliye mijaran ve, hem jî, ji hêla rengê çalakiyan ve gelekî xurt dibin. Dema mirov bala xwe didê dibîne ku, êdî bi tenê çalakiyên endamên saziyê nayên pêşkêşkirin.

Li NÇM'ya Stenbolê
● 03.04.1996, çarşem

Demjimêr 18.00 Semîner: Federasyon û Otonomî - Falk Bulut

● 06.04.1996, şemî

Demjimêr 14.00 Teatra Jiyana Nû, lîstika "Rojbaş"

Demjimêr 18.00 Koma Munzur, konsera muzîkê

Li NÇM'ya Edeneyê

● 05.04. 1996, in

Demjimêr 18.00 Koma Rewşen, konsera muzîkê

Li Med-Komê (Stenbol)

Di 30'ê adarê de Recep Maraşlı bi navê "Nayên Girtin" pêşangehek vekir.

Ev çalakiya Maraşlı ya di bin navê "fêraşa afîş û wêne" de,

dê heta 8'ê avrêlê dom bike

RÛDAN

Dewlet û dijminatiya zimanê kurdî

Tirkiye her gav rekora xwe ya di warê îhlalkirina mafên mirovan de dişikêne. Mîna ku ew dixwaze li dinyayê di vî warî de xwe bide nasîn. Her çiqas di warê cinayetên fail-î meçhûl, kuştina rojnamevanan, bêcihûwarkirina hemdewletiyên xwe û hwd. de, li dinyayê di rêzên pêşin de be jî, di warê cezakirina çapemeniyê de, Tirkiyeyê rekorê xwe bi belgeyan tescîl kiriye.

Di vê nivîsarê de, ez dixwazim bi taybetî li ser tewra dewleta tirk a li hemberî çapemeniyê bisekinim. Baş tê zanîn ku tirk, ji roja ku komara xwe ava kirine çî însanên muxalîf hebûne, ew bi awayekî dane aliyekî; an kuştine, an berteraf kirine, an jî bi pest û pêkutiyên nehiştiye ku dengê wan derkeve. Her çiqas em bibêjin, ev 73 sal e ku komara tirk, ji bo parastina sîstema xwe çî ji destê wê tê dike jî, divê em vê tu car jî bîr nekin ku Tirkiyeyê li ser bingeha Osmanîyan ava bûye û baş tê zanîn ku lîstikên

her cure di Osmanîyan de mawebûn bûn. Îro jî dewleta tirk wan lîstik û hîlayên ku ji bapîrên xwe standine, nizanîm gelo baş, an nebaş pêk tînin. Lewre carinan tiştên wisa dikin ku hêjayî pêkenokan in. Gerçî em vêga bixwazin ku ji wan mijaran mînakên bidin, ne ev cih, ne ev rûpel, ne jî ev hejmar têrî me dikin. Ji ber wê yekê mirov dikare ji wan mînakên ên herî balkêş di nîvîsareke taybet de berhev bike.

Mijara me ya vêga, bi taybetî li ser rojnameyên bi kurdî û mehkeme û cezakirina zimanê kurdî ye. Baş tê zanîn ku cezakirina zimanê kurdî ji aliye dewletê ve bi cezakirina rojnameya Welat dest pê kir. Dadgeha Ewlehiya Dewletê (DGM) hem nivîsên Rojnameya Welat a xwerû bi kurdî werdigêrand zimanê tirkî û der heqa rojnameyê de doz vedikirin. Hem di dadgehê de parastina bi kurdî ya Berpîrsê Nivîsaran ê Rojnameya Welat Mazhar Günbat nedihat qebûlkirin û axaftina Günbat a bi kurdî mîna "zimanekî ku jê nayê fêmkirin" dixistin belgeyên dadgehê. Di dawiyê de bêparastin, Berpîrsê Welat hate cezakirin.

Ev bûyer dawîya dawî li serê me jî qewimî. Rojnameya Welatê Me ku ez xwediya wê bûm, li Dadgeha Ewlehiya Dewletê bi wî rengî hate darizandin. Rojnameya Welatê Me ya ku di 20'ê Sernaweza 1994'an de dest bi weşana xwe kiribû, di 1'ê Kewçêra 1995'an de jî hejmara xwe ya dawî (46) derxistibû û weşana xwe dabû sekinandin. Der heqa Welatê Me de jî sê doz hatibûn vekirin; ji ber 4 nivîsarên ku di hejmara 4, 5

û 6'an de cih girtibûn. Ji wan dozan, du heb bi cezaxwarina me û zimanê kurdî xelas bû, yek ji wan dozan hê jî li mehkemeyê dewam dike. Di îdianameya mehkemeyê de hatibû gotin ku bi wan nivîsaran, propagandaya PKK'ê hatiye kirin û bi cudakirina herêm, dîn, ziman û nîjadê, di nav gel de tovên dijminahiyê hatiye çandin.

Her çiqas em rabin bibêjin ku "na, tiştêkî wisa nîn e" jî, ji ber ku qanûnên dewleta tirk li ser hîmê bêhiqûqiyê şikil girtiye, tu qîmeta gotina me jî namîne. Dinya alem tev dizane ku avabûn û sedemê hebûna dewleta tirk, li ser jîholê-rakirina mîletan e.

Dewleta tirk heta vêga bi milyonan ermen, rûm, çerkes, kurd û hwd. qetîl kiribe jî, nikaribûye vî rastîya jiyane biguherîne, yanê "Kesên mafdar her tim bi ser dikevin." Lê di sa jî dadgehên wê li ser rîya kevnare dimeşin, xelkê bi çandina tovên dijminatiyê sîucar dikin.

Îcar em werin ser mijara xwe ya eslî. Haki-mên Dadgeha Ewlehiya Dewletê her çiqas îro ceza bidine me û zimanê me jî, em gotina xwe ya ku me di mehkemeyê de bi zimanê xwe qîr kiribû: "Em vî biryara we qebûl nakin û em bêdeng namînin" tîkêr dikin.

Esas mehkemeya dewleta tirk, bi vekirina wan dozan sîcekî mezin kir. Ji ber ku halî hazir jî ber nebûna akademiyan kurdî ya li Tirkiyeyê, îro tu kes nikare bibe tercûmanê resmî. Îca mehkemeyê jî aliyekî ve bi wan kesên ku ne tercûman in, nivîsan dide wergerandin û doz vedike, ji aliyekî ve jî axaftina me ya bi kurdî carina wekî "Heqê bêdengmayîne", carina "Zimanê ku jê nayê fêmkirin an jî nayê zanîn", carina jî wekî "Tewreke siyasî" dinirxîne û li gorî kêfa dilê xwe ceza didê me.


Wan, ji ber her du dozên rojnameya Welatê Me yê ku di meha reşemiyê de xelas bûn, bi temamî sê sal û nîv hepis û 500 milyon cezayê pereyan dan Berpîrsê Nivîsaran ê Welatê Me Mehmet Gamsiz. Tevî qerara jî bo mehekê girtina rojnameya Welatê Me, li min jî, ji herdu daweyan bi temamî 200 milyon cezayê pereyan hate birîn. Lê me ev qerara mehkemeyê temyîz kir ku, mehkemeya bilind (yargıtay) careke din wê hilde dest û binirxîne.

Em vî baş dizanin ku tu kes nikare zimanê gelekî ku jî 40 milyon pêkhatî qedexê bike û vî gelî jî holê rake. Dixwazim vî nivîsê bi gotineke pêşiyên tirkan xelas bikim: "Anlayana sivrisinek saz, anlamayana davul zurna az!"

AYNUR BOZKURT

TÎŞK

SÎRWAN REHÎM



Yadî le sêdaredanî pêşewa...

A dar herçende gewretirîn û pîroztirîn cejnê neteweyîmanî le amêz nawe, belam zor yadigarî tal û bîrewerî be siwêşman letekî da heye. Be corêk eger gûlî newrozî nekirdayete încaney bûnyewe, ewa serleberî adar meynetî û weşûmey le xo da bo berceste dekirdin.

Adar le elbûmî yadigarî da, be wêney ew hemû mergesate dilî aw naxwatewe, her boye le diwa laperey da, rojî (31. Adar), wêney le sêdaredanî pêşeway gelî kurd û serokomarî Kurdistan Qazî Muhemedî şehîd debînin.

Ew roje reşe ciya le Qazî Muhemed, Seyfî Qazî û Sedrî Qazîş le sêdare diran û her sê Qazî be hev ra hatne şehîdkirdin.

Rastit dewê le naw serkirdekanî sedey bîsteman da, Pêşewa yekêk lew kesaneyê, ke estêreyekî pişingdar le asmanî xebat û têkoşan da dexemlênin. Qazî şehîd jiyaneke ewende pir serwerî û şerefmendaney tomar kirduwe, ke hemîşe be şanazî û serfiraziyewe le diwexanî dîrokî azadîxwazan da basî lêwe bîkrê.

Pêşewa siyasetmedarêkî be rûmet û şerefmend bû, siyasetmedarêk ke dest be rûy (siyasetî bêrewîştanewe) binê û retî bikatewe. Siyasetmedarêk amade bêt, sermayey jiyani be roley xelk û namûsî gelekey bibexşet. Be kurtî ew serkirdeyê le hemû kar û kirdewey merdane û cwamêrane nizîk hu le hemû nacoriyekîş be dîr bû.

Hemû ew helwêstaney Qazî Muhemed gewahî ewen, ke ew piyawey rendeman çendê xoy be fîdakarî gelekey zaniwe û ta çî endazeyek xoy bo ew kare sazdaewe.

Eweta ewe le giyanî xoy natîsê û le pênanawî rizgarkirdinî da, daway Îraq, Sovyet, Emerîka û Înglîz ret dekatewe û bêstûnî serî le astî dawakanyan da, newî nakat.

Her ewe le ser kursî sêdareş, le ser mafî reway gelekey sûre û rûsûrane, be gwêy xelk û dar û berdî Kurdistan da, deçîrpênê; min şehîdî azadîm, serim berz e...

Çawdêran wîtuwane ew dadigayey ke be mebestî dadigayî kirdinî Qazî amade kirabû, le karekey da sernekewit, çûnke be pêşewaney xwastî ewanewe, Pêşewa ewanî dadigayî kird.

Le xorayî niye ke roşinbîrî serdemeke û şairî gewre Hêmin bem core basî ew seroke dekat û be (raberî jîr, muslîhî gewre, deryay edeb û zanist) î, naw debat.


Gelî biraderîne, Qazî Muhemed penca sal lemeuber xorî komarêkî Kurdistanî bo helhanîn, le çawî ayindeş da, be niyaz û xwazyar bû ke tîrêjî ew xore bigate hemû deverêkî niştîman. Ew penca sal lemeuber way dekird û way bîrdekirdewe, lewma şayanî hemû bîreweriyekî rêz amêz û şikomendiyeke.

Yad û bîrewerî Pêşewa zor şit le dûtiwê degre û gereke siyasetmedaranî kurd pir derzî têda bixwêninewe, ke giringtirînyan; piştnekerdine xelk û xo be qûrbani gel û welat kirdin e.

Serfiraz bê yadî pêşeway Kurdistan...

Şerecûniya çîrokbêjan

Cihê çîrokbêjiyê jî wekî dengbêjiyê di nava gel de pir girîng bû. Dema dengbêjekî xerîb bihata gundekî, mirovên wî gundî bi temamî berhev dibûn, diçûn bi saetan li wî guhdarî dikirin. Heta dengbêjên wî gundî jî hebûna, bi wî dengbêjî re diketine berebaziye û kê zêde kilam bigota, xelata mezin jî, wî distand.



Edebiyata me ya devkî, di warê helbest û çîrokan de xurt e. Di nav kurdan de, ji ber ku zimanê nivîskî, bi cih nebûye edebiyata kurdî ya devkî bi çîrok, helbest, destan û hwd. ve hatiye hate îro. Ji ber sebebên asîmîlasyonê ku ev heftê sal e, li ser kurdên Tirkiyeyê tê meşandin dewlemendiyên wêjeya hatine kurdî jî qetilkirin.

Çîrokên ku di zaroktiya me de ji aliyê dewrêş û feqiyan ve dihatin gotin, pir bala gel dikişandin. Ji ber ku ew mirov her tim digeriyan; ji her gundî tiştê digirtin. Dema ku li hin cihan rûdiniştin ew çîrok, destan û helbestên ku berhev kiribûn digotin. Gel jî ew bi awayekî xelat dikirin û tiştên ku wan digotin jî, ji ber dikirin.

Cihê çîrokbêjiyê jî wekî dengbêjiyê di nava gel de pir girîng bû. Dema dengbêjekî xerîb bihata gundekî, mirovên wî gundî bi temamî berhev dibûn, diçûn bi saetan li wî guhdarî dikirin.

Heta dengbêjên wî gundî jî, hebûna bi wî dengbêjî re diketine berebaziye û kê zêde kilam bigota, xelata mezin jî wî distand.

Girîngiya çîrokan jî bi awayekî din bû. Heke du kesên çîrokbêj li cihekî bihatana cem hev, ew her du kes jî wekî ku dengbêjan çawa diavêtine ber hev, ew jî bi hev re diketine berebaziye. Yekî çîrokek digot heta demekê, îcar berdewama wê jî, yê din digot. Di

navberê de jî bi avêtina ber hev, hev û din tahrîk dikirin. Li jêrê ji vê rewşê re ez dixwazim cih bidim çend rêzên ku çîrokbêjên herêma Serhedê avêtine ber hev.

Dewrêş

Ez Dewrêş im, qelûnkêş im
Bi destê xwe yê rastê
Zikê baz diqelêsim
Bi destê xwe yê çepê dipêjim

Baz

Ez Baz im, bazekî belengaz im
Ji dil û cegerê xwe bênaz im
Bêdeng û bêawaz im
Ez bi tenê zimanê te dixwazim

Dewrêş

Bazê zerikî qûnterikî
Sercucikî tirsonekî
Min hêrs nekî
Ezê te bikim wekî rismekî

Baz

Ez teyr im teryekî xerîbkî
Pencên min pênckî
Serê Dewrêş dixim qapanekî
Zimanê Dewrêş ji min re wekî dermanekî

Dewrêş

Çil li wî virî, çil li wî tirî
Hestiyê stûyê te wekî mûkî
Çavên serê te wekî morîkî

Pencên piyên te xeynî rêxela kirinê,
naye kêrî tiştêkî

Baz

Lepek herî, du lep herî
Min li şikilê Dewrêş nihêrî
Sosretêk çêkir ji bo alemekî
Zimanekî arşûnek dirêj,
Ji xebardanê pê ve naxwe tu gûkî

Dewrêş

Aha vir de, aha wê de
Serê Baz notila xurde
Ji nikulê Baz wir de
Pirtepirta rihê wî tê vir de

Baz

Çil çêlik û çil mirîşk hela vir de
Ji tirsê porê serê te bûye hirî de
Teqeteqa dilê te tê min de
Dibe ku Dewrêş baz de ber bi mala xwe de.

Dewrêş

Ez siwar im, siwarê keleşê sermêş
Ji vir diçim qiyametê bi meş
Tirsa min nîn e ji Bazê sereş
Heke serê wî bi destê min dikeve ez çawa dixime leş

Baz

Hare were bi meş
Çavên te yên sorbûyî bûne wekî leş
Ez pir bidim ji hela reş
Bi nikulê xwe yê şêr, derxim her du çavên te yê, reş

Dewrêş

Hey Bazo belengazo
Stûxwaro bêwaro
Xwedî du perê ziravo
Heke tu dikevi bin lepê min,
çawa te dixim mira

Baz

Dewrêşo qelûnkêşo
Serseriyo, serbiêşo
Enî dindoko, zik beroşo
Destbixwîno, çavbirçiyîno...

Dewrêş

Şev qediya çavên Baz diriya
Her kes bi Baz keniya
Dewrêş Baz kire wek miriya
Bazê bûye wekî cilê bin piya


Baz

Dewrêş biharê reviya
Zivistanê wekî miriya
Havînê wekî tolayan geriya
Payîzê, ji ber birçîbûna Dewrêş,
Mişk neman li zevî

Baz û Dewrêş

Carek ji caran
Rehmet li dê û bavê guhdaran
Îcar jî cemateke wekî her caran
Bi xatirê we hemû gundî, rêncbê
şervan û xebatkaran.

'Adir u Asme' û 'Gome'



Sera parene kitavxanu de di kitav ginay ve çimônê ma. Hurdemenay ki newey vî. Na neweyen her hetra viye. Zon newe vî. Na zon de şîr nûstene newe viye. Kitavê şîrî zon çap kerdene newe viye û wendoxî kitavu newey vî.

Kitavxane Piya na hurd kitav çap kerde. Virende kitavê Qemerê Alî "Adir û Asme" vejiya: Adir û Asme de çevres û ju şîr esto û tê de kirmanckî (zazakî) ame nûstene. Qemerê Alî Dersîm de amo dina. Nika Almanya de ro. Naye ra aver ju na kitavê Qemerê Alî vejiyo. Na kitavî xeleta Musa Anter hete doskariye ra gureto. Gurenayisê Qemerê Alî teyna kirmanckî nûstene ser niyo. Kitav ra hen mûseme qe Radone Duisburg de hîre serî zone kirmanckî de program virasto. Zone xu rind zoneno Qemerê Alî. Eve zonayis û zerrera vate na şîr. Ca caye zon beno hosta û be neqes. Je uwa derû, je asmen pak û zelalo. Niya vano (*ti nas nêkena estena toxîm / hêgaude / eke mîrçîku peyde qut werdene / qeto hêgayî sakkerdî / birna eve na tore qute yîne / ez naye naskenû yî sone / waxt qeame onca yene / eve haştiye.*) Dewe welatî yene çimônê fîson ver. Payîza wertîye de ke cite ramîna. Hengaj verde hega demdino, xelekî vejîne. Gay qefelîne citkar gozriye cînenno û hengaj orozneno ra dare... Hete binra şîronê Qemer de esq esto, haştiye esta efkare welat esto. "Be to ontene / tora ontene ra rinda" vano cayede kî yare ra... Gegane welatra dur mendene, qom e xo ra vişaye mendene dana vatene saîr. Rozu-

ne virenû, waxte viren anora xu vîr. "Çi weşvî / waxtoke / ma şiyene waru / xortu / çeneku ne ozevu / rayera govende guretene" Qulo qe harde xora dur pero, qulo ke milete xora vişaye mendo, qulo ke na dîna se-re guretîye de ro, yî ke çî hesnene, yî ke çî anera xu vîr, yî ke hesreta çîg oncene. Saîr kî aye hesneno, aye anora xu vîr hasrete onceno. Gegane rî wayiso, ge pezmûn û murozûno. Ge olaxûne Almanya de ro, gekowune Muzir de. Hete muzir ser zere xu tenîko. Ju kî diyaxe xo esto. Diyax keno qe "a roze kî yane / de-şî rijîne, dese xepixxanu / û waxt / endî deste to kelepçe niye / xepixxaney çîne, tomete kî / Domone to kî bene / û ti cire kurnîkede / lorika haştîe vana.

Kitavo kirmanckîyo de bîn kî "Gome" Kemal Astore'îyo. Kemal Astore kî Almanyade ro. Kirmanconê Erzîngan ra wo. Zone kirmanckî ser nara ave kî gureye xu esto. Di sera ave jû na kitave xu vejiya Weşane Doz ra. "Car hard cor asmen" Na kitav de Kemal Astore Dersîm ra, weşena qome mara qal ano ra, "Gome" şîroneê xoser ra amo meyda. Kitav de hotaw û new (79) şîr ca cene. Her veng ra, her bavet ra her gal ra şîr yene diyane. Welat û bêkeşiye ser, haskerdene û esq ser, sosyalîzm û politîka ser Dersîm, Almanya, herv, adir, Sêwas û 37 can, dewe Pulûr, bone vesayî. Saîr pera virenera pera peyene zere xo dano tever.

Çutîr ke ame zerera hen vano rindekena vatene ser jede ne vindeno. Caye caye de çeqoy şikine ra jumî-nî ca caye kî xo ser sone. Saîr wazeno kî qesê xo vazo. Zerhe xo wendoxî ver sano. Çutîr vatene hondek muhîm niya. Naye sere jede ne vindeno. Xu nano re hesnaen û diyax ser. Ca caye de teynaen esta "Gegane dîna de / ne doste ma esto / ne kî kese ma... Gega-

ne hen teyna hen bekas / werde kemeru û kuçu de" vano.

Qesa saîr jede welat se-re wa. Welat şîrone Kemal Astoreyî de zof ca ceno. Her qese peniye de welat anora eyî vîr. Vano qe "Tora has ken, welatê neçar" caye de kî niya vano. "Zone mordemî ke birriya / bilbil qe waneno?" Roza ewruene sere kî qesê eyî esto. Peredayisê kirmanckî re post dano. "Birre Muzirî veseno sodir sond. / Bone xalike gule vesa naxir tey merd".

Gegane efkar keno hale na waxt re vano "welat tu key royena?" "Welat tu key xeleşîna". Ca caye de saîr reseno, qesa xoriye, binra, barîra nano pa. Îson hen xiyal keno maneno. Je na çekuy "roe mi ser hazar derd veseno. / Van deste xu direbetia mi ser mene"

Venge saîr zelalo, naturelo çeng xo ne keno. Qesê xo eve retîye vano. Haştiye wazeno jede kî. Çike haştiye veşiye û dîna kena rindeke. Haştiye de esq û çef esto. Axuzare haştiye maneno.

Tarîxe made na sere peyen çiqas muhîmiye. Sera 1995 de kî zof neweyî kut weşeniya ma. Nînera jû kî zone kirmanckî de kitave şîriye. Çiqas qe zof ca de zone şîr pê nêceriyo, çiqas ke xeyle kemiye bi vo kî na hurd kitav dialekta kirmanckî de cao de muhîm cene û gama virene ane hurend. Xêreser nara dima kî na hetra herke şî ave some û roz ve roz zone ma de newe nûstox û kitave xas û rindek yene meydan.

S. MAMEKÎ

Di giriyê me de kenekî şîrîn heye

DILBIWXÎN DARÀ



Di van dawiyê de, min xwest bi stîleke hinekî cuda, bi şeweyeke din çend tiştan ji dilê xwe bi dilsozî ji xwendevanan re bibêjim. Bi rastî dema ku ez dinivîsim, berî her tiştî ez xwendevanan tînim pêşiya çavên xwe û li gorî wê, atmosferê çêdikim. Bi hemû awayî ez hewl didim xwe ku, di nivîsên min de xwendevan xwe bibînin. Ez ne ji xwe re ji wan re dinivîsînim. Bi vî rengî ez dixwazim diyalogê bi xwendevanan re deynim.

Belkî çavên pênuşan wekî hemû çavên din li bûyeran nanêrin, belkî êşa di dilê pênuşa min de, ne wekî êşên yên din e. Her çavek tiştêkî dibîne, her gulek jî bi rengêkî bêhn dide. Mixabin, hinek xwendevanan nivîsên min şaş xwendibûn. Ev jî rastîyeke e, her kes nikare wekî hev bi tiştan bihese. Li ser nivîsên min ên vî dawiyê, hevaleyê nêzikî wiha ji min re got: "Dema ku ez nivîsên te dixwînim, giriyê min tê. Di nivîsên te de mirov êşê dibîne, dijarî, zorî heye. Di nivîsên xwe de tu, tu caran nakenî. Wekî ku tu li ser miriyekî şîne bigerîni..."

Hevaleyê din jî, piştî ku nivîsa Helepçeyê xwendibû, hêrs bû û wekî ku destê xwe têxe gewriya min, "Bes e! Dev ji vî stîlê berde, te ez kuştim. Min nikaribû ez nivîsê

bîqedînim, çavên min tijî hêstir bûn. Wekî ku ez berî 8 salan di nava kuştîyên Helepçeyê de bim. Gelo, însanên me wiha hatine kuştin! Destê xwe ji qirika min derxîne û careke din min nekuje", gote min. Hevaleyê din jî wiha got: "Stîleke nû ye, baş e. Berdewam bike. Di dilê her kurdekî de êşek heye. Tu caran tu kurdekî ku êş nedîtibe, nabîni. Em sirgûn bûn, li devê rîyan hatine kuştin, li ber dîwaran bêçare man, bi ser serê me de banî hilweşandin, keçên me yên bedew û ciwan di bin xwe de fetisandin.. û li dawiyê navê me jî guhartin. Çi di dest me de hiştin? Çima em li serê negirîni?"

Gelo tenê girî ew e ku mirov di çavên xwe de hêstiran bibîne? An jî mirov ew e ku mirov xwe di gorê de bibîne? An jî jiyan ew e ku mirov di canê xwe de ruhekî bibîne? An jî ken ew e ku mirov devê xwe veke û diranên xwe nîşanî derve bide?!

Di navbera jiyan û mirinê de, çi heye, em çi dibînin? Di navbera ken û girî de jî çi tê dîtin? Em ji çîrokên bêhtir, werin ji hev re hinek rastîyan bibêjin. Bêguman rastîyên ku em bibêjin ji vî koşeyê mezintir in. Wê ev koşeya teng bikaribe kîjan rastîyê hilgire û kîjanê jî biparêze?

Her rojeke jiyan me, romanek e; her berxwedaneke me destanek e; ji şer û aştîyê mezintir e. Lê belê em nikarin romanê binivîsînin. Li pêş çavên me keçên kurd xwe di nava êgir de ji bo azadiyê dişewitînin, em nikarin helbesteke ku layiqî wan be binivîsînin. Şoreşa me ji Şoreşa Oktoberê jî mezintir e, lê belê me çavên xwe girtine û

em naxwazin tîfinga li ser milê gerîlayê xwe bibînin. Me dest avêtiye kompîturê û em çîroka jiyanê xwe dinivîsînin.

Rast e, hinek caran pênuşa me van tiştan dibîne. Nikare bêdeng bimîne, dibêje. Li ser çi dibêje? Di nivîsên xwe de hinek caran hûn laşên miriyan dibînin. Hinek caran hûn zarokên şehîdan dibînin. Hinek caran hûn kuştîyên Helepçeyê, girtîyên zindanan, hesreta di dilê dayikan de, nameyên gerîla û wênayên şer dibînin. Belê, hinek caran girî, hinek caran jî kenekê dibînin.

Eger em di nivîsên xwe de bigirîni jî, bizanibin ku di giriyê me de kenekî şîrîn heye. Eger em keserên bikişînin jî, di wan keserên me de, hêvî hene. Eger ne ew hêvî bin, ne tenê carekê emê her roj bimirin. Em wekî însanên din jiyan nabin, di mirina me de jî jiyan heye, car caran ji bo ku em bijîni, em dimirin û em bi dengêkî bilind bang li xoçeyên mizgeftan dikin: Werin li ser mirina me telqînê bixwînin. Belkî hûn van nivîsan wekî nivîsên din nexwînin. Dibe ku gotinên di van nivîsan de, dilê we biêşînin, lê belê di bin her gotinekê de stêrkek heye, gulek heye. Di bin her gotinekê de, jiyanekê nû heye. Û eger ku giriyê we hat jî, bizanibin, ez di wê giriyê de, kenekî şîrîn dibînim. Li dawiyê jî em bi hev re, destê hev dişînin û ne tenê em, wê her kes di dîlana me ya azadiyê de cih bigire. Emê hemû êşan bikujin. Min dixwest li şûna vî nivîsê, li ser "teqlîdê" tiştêkî bibêjim, lê belê ji bo ku ev nivîs şaş neyên xwendin, min pêwistî bi nivîseke wisa dît. Bila "Teqlîd" jî ji bo careke din bimîne.



Şerê bêjingê û axa

Bi navê Teter, axayek hebû, li navçeya Misircê (Kurtalan) dijiya. Teter Axa pir bi hêrs bû. Li ser tiştêkî biçûk, zû diqehirî.

Rojekê jina axê, hinekî dextl bêjing kir û bêjinga xwe danî erdê. Dextlê xwe bire ser kaniyê, ji bo ku bişo. Axa ji hundirê odê derket, du sê caran gazî jina xwe Zulfê kir.

Kesek bersiva wî neda. Axa pir aciz bû, bi dengêkî xurt û nerazî got: "Ev kesek tune di vê xopanê de."

Hate salonê, lingên axê ber bêjingê ket, di ser de qulibî. Teşka (ling) axê şikest. Vê carê Teter Axa bêhtir

bihêrs hate û xencera xwe anî der û bêjing da ber xenceran. Di xencera ewil de destê axê şikest. Ew hêja bêhtir qûriya.

Dest avête bêjingê, heya jê hat, girt li diwarê odeyê da. Bêjing vezirigî (zıpladı) li tehtê eniya Teter Axa ket. Enî jî şikest. Axê dît nekare rabe ser xwe, kete erdê.

Jina Teter Axa Zulfê hate, li rewşa axê mezê kir û got: "Lawo heklo, kê bi serê te de ev yek aniye?" Axa bi nalînên xwe got: "Bêjing e, bêjing e, bêjing e."

HEMEDOK DILOVAN

Berxê min mênê

Leşkerekî tirk diçin gundekî, di rê de ra gundiyeke tîn. Bi gundî re du berx hene, du berxê wî jî mênê.

Leşker jê re dibêje: "Nereye? (Bi ku de)" Ê gundî dibêje:

-Berxê min mênê. Leşker fêhm nake, dîsa dibêje: "Nereye?" Ê gundî dîsa dibêje:

-Wele berxên min mênê. Leşkerê tirk çavê sor dibin û dibêje: "Ez ji te re dibêjim bi ku (Ben sana nereye gittiğini soruyorum.)" Li ser yekê gundî neçar dimîne û dibêje:

-Heyra Xwedê nehêle, hema bila nêr bin.

SIMAYÎL TEM

Bihuşt sê tebeqeyê

Rojekê sê zilam; yek fileh yek ji cihû û yek misilman bi hev re rûdin û sohbetê dikin. Demek bi şûn de behs tê ser qiyametê. Fileh dibêje: "Bihuşt sê qat e û emê qata binî bi misilmanan."

Yê misilman aciz dibe, dibêje: "Kuro ker ba Ma bihuşt ya bavê we ye ku hûn tebeqeya binî dine me?" Yê fileh û yê cihû dibin yek û dibêjin misilman, ku ew bivê û nevê ew e! Kesê misilman dibêje wan: "Baş e! Wê dergeh ji ku derê ve, hêba we?"

Zilamê fileh, "Ji qata we, diçe jor...!" dibêje.

RÊBER RO

XELAT...

Çarî (dewlê)	X	R	S	U	H	Flora				
Xaçpîra	X	A	Ç	E	R	E	Z	S	E	R
Epahe	L	E	Z	I	M	R	A	C	A	
Z. x. xêde	P	I	R	Z	I	R	E	K	D	
Hemeh	T	E	N	G	I	R	O			
Sembola Lûbnê	P	B	B	A	J	A	R	A		
Plaqeya Mîna Rûşanî	E	T	R	I	K	O				
Epahe	A	G	I	R	I	A	B			
Çarî	E	L	I	T	R	A				
Çarî	D	S	A	I	R					

Bersiva Xaçpîrsê (9)

Xaçpîrsa me bixelat e. Di 15 rojan de çî bersiv bigihîjin me, emê wan binixînin û bi riya pişkê li 10 kesan belav bikin. Xelata hejmara me ya 11'an kitêba **Qemer ê Alî Adir û asme** ye.




Jêrenot:
Ji bo ku bersiva we bê nixandî, divê hûn "Peyya Veşarî" di nava qutiyên li bin xaçpîrsê de binivîsin û tevî adresa xwe ji me re bişînin.

Kesên ku xelata xaçpîrsa 9'an kaseta **Koma Azad "Şemal"** qezenc kirine: **Nîgmetullah Uyanîk/Istanbul, Gülîstan Öncü/Mardin, İbrahim Coşkun/Manisa, Sadi Çözgen/Muş, Nesih Akgül/Şanlıurfa, Safiye Akdağ/Izmir, Seyfettin Söyler/Şanlıurfa, Ömer İlhan/Mardin, Celal Yılmaz/Istanbul, M. Salih/Batman.**

XAÇPIRSA BIXELAT (11)

Narîn	1	Derece	Plaqeya Tirkîyeyê	Serbest Qertafeke nebi-navkîrî	Liva hewayê Pivaneke giraniyê	Dewleta
Ziman-zanekî kurd (wêne)	1	Mêjû	Çiçekek			
	5					
Kur. law			Hinar			
Armanç			Wejewan		Enstrumnek	
				Reqs		3
				Heyfsten		
Qertafeke neyîniyê		2	Parçeyekî erebeyê		Vexwarin, bade Cinavkeke pîrsiyarkî	
Giyayek						
			6		Bi almanî "Erê"	
Sembola neodîmê		Bêhikum			4	
Gihanekek		Jehriyek				
	Enstrumnek		Cinavkeke işarkî		Cinavkek	
			Tav			
Oksijen		(Ji bo ilac) Heb				
Hidrojen						
	Muxtarîyet					7

PEYYA VEŞARÎ





Sempozyûma navneteweyî

ya perwerdehiya bi zimanê zikmakî

Sempozyûmeke navneteweyî ya bi navê "Perwerdehiya bi Zimanê Zikmakî" ji aliyê Sendikaya Kedkarên Zanist û Perwerdehiyê (Egîtim-Sen) ve li Enqereyê di Salona Konferansê ya SSK'ê de, di navbera 14 û 15'ê adara 1996'an de hate lidarxistin. Gelek kesên nas, saziyên ji hundir û derveyî welêt, nûnerên partiyên siyasî, sendikavan beşdar bûn. Sempozyûmê du rojan dewam kir. Di her rojê de, du rûniştin hatin çêkirin.

Roja yekemîn partiyên siyasî ÖDP, HADEP, İP, DBP'ê dîtînin xwe pêşkêş kirin. Dûv re nûnerên saziyên wekî KESK, Platforma Demokrasiyê ya Amedê, ÇHD, Kaf-Der û İHD dîtînin xwe pêşkêş kirin.

Di rûniştina piştî nîvro de Nûnerê sendikaya Almanya ya zanîn û perwerdehiyê GEW'ê Prof. Dr. Klaus Liebe Herkört û Serokê Weqfa Lêgerîna Çanda Kurdî Yılmaz Çamlıbel dîtînin xwe yê li ser mijarê berpêş kirin. Roja duyemîn, di rûniştina beriya nîvro de, Doç Dr. Ali Demir, Şefik Beyaz (Serokê Enstîtuya Kurdî ya Stenbolê) dîtînin û pêşniyazên xwe anîn zimên. Piştî nîvro Prof. Dr. Onur Bilge Kula, Doç. Dr. Fatma Gök, Nuray Şen (Seroka Giştî ya NÇM'ê), kesên ji sendikayên Almanyayê, Hollanda, Swîsre û Norvecê beşdar bûn. Sendikavanên biyan dîtînin xwe yê li ser mijarê, bi minakên ku li welatên wan hatine pêkanîn, nirxandin.

Ev cara yekemîn e ku sempozyûmeke

Wextekê Celal Bayar li Wanê di axaftineke xwe de wiha gotibû: "Kî ji we re bibêje hûn kurd in, tû bikin li rûyê wan. Hûn tirk in." Lê, tevî çewsandin û polîtîkayên pişaftinên ên bi her cureyî, gel dev ji zimanê xwe berneye û bi kurdî dipeyive.

bi vî cureyî ji hêla mamosteyên tirk ve hatiye lidarxistin. Bawerî ew e ku ji vir bi şûn de êdî pirsgirêka perwerdehiyê wê bê gengeşkirin.

Ji çapemeniyê jî, bes nûçevanên rojnameya Demokrasi û Evrenselê hebûn û ji çend kovaran jî, hin kesan ev sempozyûm şopandin (takîp kirin).

Hin ji axaftvanan, der barê mijarê de ev gotin:

Cemal Ünlü (Serokê Giştî yê Egîtim-Sen'ê): Di rêznameya me de mafê perwerdebûna bi zimanê zikmakî heye. Her wiha ziman, di jiyana neteweyekê de egereke girîngtirin e.

Engin Atasoy (ÖDP): Perwerdedîtina bi zimanê zikmakî mafekî însanî ye. Sistema perwerdekariya laîk, divê cih bide perwerdekariya bi zimanê zikmakî.

Abdullah Saydın (HADEP): Ziman mirov û heywanan ji hev vediqetîne. Hîmê fikir û ramanê ziman e. Zimanekî pêşveçûyî, îfadeya civakeke pêşveçûyî ye. Di dezgeha perwerdekariya Tirkiyeyê de, pişaftina spî heye. Dewletê derfeta perwerdedîtina bi zimanê kurdî nade zarokên kurd û ziman qedexe kiriye. Dibistanên ku li herêma kurdan ava kirine,

leşkerên xwe tê de bi cih kirine û di poleyekê de niha 90-100 zarok tê de perwerde dibin.

Bedri Gültekin (İP): Ev pirsgirêk tevî demokratîkbûnê bi du xalan ve girêdayî ye.

1-Qedexbûna perwerdedîtina ji bilî zimanê tirkî

2-Di dibistanên taybet de perwerdehiya bi zimanê îngilîzî, fransîzî û hwd.

Kemal Yüksel (DBP): Di dema "TÖB DER"ê de jî ev pirsgirêk hatibû rojevê. Ev pirsgirêk girêdayî pirsgirêka kurd e. Zarokên kurd dema ku dest bi dibistanê dikin, ji bo ku hînî zimanê tirkî bibin zor li wan tê kirin. Ji ber vê yekê jî, li dûrî hînbûna zanîne dimînin.

Lütfi Demirkapı (İHD): Li Tirkiyeyê demokrasiyeke nîvleşkerî heye. Azadiya dewletê bêsînor, lê ya ferdan bisînor e. Dewlet li Bulgarîstanê jî bo zarokên tirk perwerdehiya bi zimanê tirkî dixwaze, lê dema ku dor tê ser zarokên kurd, wê yekê di nav xwe de qedexe dike. Yanê durûtiyê dike.

Yılmaz Çamlıbel (Serokê Weqfa Lêgerîna Çanda Kurdî): Ziman navgîneke ragihandinê ye. Mirovên ku bi zima-

nekî dipeyivin, ew di pêvajoya demê de dişibin hev. Qedexkirina zimanekî jî jenosîd e.

Prof. Dr. Onur Bilge Kula (Universîteta Mersînê): Ziman, hêmaneke netewebûnê ye. Çavkaniyên zimanekî, kes, kom, civak û bandorgirtina jî zimanên din e.

Şefik Beyaz (Serokê Enstîtuya Kurdî): Zimanê neteweyekê derûna wê, derûna neteweyê jî zimanê wê ye. Her wiha Beyaz di axaftina xwe de ev pêşniyaz kirin: Divê li rojavayê Tirkiyeyê zimanê tirkî bi awayekî zimanê fermî, zimanên kurdî, erebî û hwd. jî wekî zimanên bijartî bîn hînkirin. Lê li herêmên ku kurd lê dijîn, divê zimanê kurdî bibe zimanê fermî û yê din jî bibin ên bijartî. Ev yek, wê hewcebûnê ji holê rake û bihevrebûnê pêk bîne.

Nuray Şen (Seroka Giştî ya NÇM'ê): Herêma kurdan bi sedan salan e, di rewşa şer de ye. Her û her bi rûxandin û tunekirinan re rû bi rû maye. Berhemên kurdan hatine wêrankirin. Çavkaniyên dîrokî yê zimanê kurdî hatine talankirin. Nuray Şen axaftina xwe wiha domand: "Wextekê Celal Bayar li Wanê di axaftineke xwe de wiha gotibû: "Kî ji we re bibêje hûn kurd in, tû bikin li rûyê wan. Hûn tirk in." Lê, tevî çewsandin û polîtîkayên pişaftinên ên bi her cureyî, gel dev ji zimanê xwe berneye û bi kurdî dipeyive.

BEKİR ÇELEBİ
RASTO ZILANİ

WELAT

Rojnameya Hefteyî (Haftalık Kürtçe Gazete)

Li ser navê ZERYA Basın ve Yayıncılık San.Tic.Ltd.Şti. (adına), Xwedî (sahibi): CELALETTİN YÖYLER

Gerînendeyê Weşanê (Yayın Yönetmeni): MEHMET GEMSİZ
Heyeta Weşanê (Yayın Kurulu): SAMİ TAN, AYNUR BOZKURT, RAHMİ BATUR
Berpîrsê Karê Nivîsaran (Yazı İşleri Müdürü): DÜZGÜN DENİZ
Berpîrsê Saziyê (Müessese Müdürü): TAHİR ELDEMİR

Navnîşan (Adres): Ayhan Işık Sok. No:23/3 Beyoğlu-İstanbul
Tel-Fax: 0 - 212 - 293 53 19
Çapxane: Yeni Asya Matbaacılık A.Ş.
Belavkirin (Dağıtım): Birleşik Basın Dağıtım A.Ş (BBD)

Pêşangeha Hunermendên Kurd

Hunermendên kurd didin zanîn ku gelê kurd divê qudreta hunerê bibîne û li berhemên hunerî xwedî derkeve. Divê ew bizanibe berhem jî wê şahidiya janên ku gelê kurd kişandine, bikin.



Fevzi Bilge



Süleyman Danişman

Li Navenda çanda Mezopotamyayê sê hunermendên kurd pêşangehek li dar xistin; di bin navê "Pêşangeha Kevneşopî ya 96'an." Pêşangeh roja 20'ê adarê vebû û heta 1'ê avrêlê domiya. Kesên ku îsal beşdarî vê çalakiya hunerî ya NÇM'ê bûn ev in: Seramîkvan Türkan Akkulak, wênesaz Süleyman Danişman û wênesaz Fevzi Bilge.

Li ser vê çalakiyê ez bi wan re peyivîm û min hin agahî ji wan standin. Min pêşî ji Türkan Akkulak dest pê kir.

Türkan Akkulak ji Xarpêtê, ji gundê navçeya Depê (Karakoçan), ji Beroj e. Dibistana pêşîn li gund diqedîne û pişt re diçe Almaniyayê. Li wir jî dibistana navîn dixwîne. Dûv re jî tê Stenbolê û li zanîngêhê xwendina xwe berdewam dike. Ew dibêje:

"Ji roja ku min dest bi vê pişeyê kiriyê vir de, destên min ji lewê (çamûrê) aêrneketiye."

Akkulak dide xuyan ku gelê me zêde bala xwe nade ser hunerê û gotina xwe wiha didomîne:

"Tercîha min bi temamî tesadûfî ye. Dema ku ez ji Almaniyayê hatibûm, min xwest ku ez di Lîseyê Pişekariyê ya Keçan a Kadiköyê de bixwînim. Lê belê ji xeynî beşa seramîkê, di tu beşî de cih tune bû. Ji ber vê yekê min qeyda xwe jî di vê beşê de da çêkirin. Paşê jî ez kêfxweş bûm û min ji beşa xwe pir hez kir."

Di Zanîngêhê de ji min li ser vê beşê (beşa cam û seramîkê) xwend û êdî min ev xebat ji xwe re kir xebata yeke-mîn. Ez dixwazim ku bi vî karî, ji guherîna gelê xwe re alîkariyê bikim. Heta ku em huner bi çavekî baş nenirxînin, pêşveçûneke baş ji me re zehmet e.

Ez ji diya xwe dizanim ku gelê kurd jî mîna wê difikire. Diya min, dema ku kesek der heqa me de tiştêkî jê dipirse, bersiva wê pir balkêş e; dibêje: "Hey lo qet qala wan nekin. Du heb keça min

hene, yek bi heriyê, ya din jî bi kaxizan dişeyize."

Ji ber ku ez seramîkvan, xwişka min jî wênesaz e. Lê divê bê gotin ku, bere bere min ev kar, bi malbata xwe jî da hezkirin.

Li gorî min, zimanê berhemên hunerî ne neteweyî ye, ew zimanekî navneteweyî ye. Îro gelek mêvanên biyan hatin li berhemana mêze kirin û ji min re gotin ku, "Bi rastî heya ku me berhemên te nedîtî, me nekaribû gundên şewitî

NÇM ava bû, demeke dirêj li vir îdarevaniyê kir. Ji avakirina Enstîtuya Kurdî re alîkarî kir. Ew 13 car e ku berhemên xwe pêşkêşî hunerperweran dike. Wî gelek caran jî tevî hunermendên din pêşangehên hevpar vekirine. Vêga jî bi awayekî profesyonelî xebata xwe didomîne.

Wênesaz Fevzi Bilge jî li ser armanca xwe agahiyên balkêş dan. Li gorî wî, di dîroka gelê kurd de, gelek berhemên hunerî hene. Ew dibêje:



Teswîra gundên şewitandî (xebata Türkan Akkulak)

bianiya ber çavên xwe. Piştî dîtina van berhemana, êdî enî dikarin bibêjin me jana wê di dilê xwe de hîs kir." Îcar êdî em nikarin, bi tenê li ser folklor û muzîkê bisekinin.

Fevzi Bilge, li Dêrika Çiyayê Mazî, di sala 1959'an de ji dayika xwe bûye. Perwerdebûna xwe ya pêşîn, navîn û lîse li welêt bire serî. Pişt re beşa Zanyariya Civakî ya Unîversîteya Marmarayê qedand. Di sala 1991'an de dema ku

"Jixwe di jiyana me de tesîra hunerê pir tê dîtî. Ji aliyê hunera wêneçêkirinê ve, bi nasnameya xwe ya neteweyî nebe jî, hunermendên kurd hene. Lê belê wan rengên jiyana gelê xwe nekarîne veguherînin zimanê hunerê û zêde nekirine. Ez dixwazim ku dewlemendiya çand û estetîka me bi destê van beşên hunerê, bîn nîşandan. Ez vê pir girîng dibînim. Êdî gelê me ji qudreta hunerê fêhm bike û jê sudeke mezin werbigire."

Bi mijarên ku ez nîgar dikim, dibêjim gelê min ji psikolojiya bindestiyê êdî derkeve. Ez dixwazim bi riya berhemên xwe, ew mesajên nîrxên azadiyê ji nû ve bi dest bixin. Min, di destpêkê de tipên jinên kurd çêkirin, dûv re min xebata xwe zêdetir da ser ceribandinan. Hê jî wisa dom dike. Ez hêdî hêdî berhemên razber (abstrakt) çêdikim. Di wî warî de min tabloyên mîtolojîk jî çêkirine. Ev hemû tişt ji bo nîşandana rastiya gelê me ye. Ev rastiya me ancax bi şahidiya van berhemana dikeve dîrokê û nayê windakirin.

Gelê me çavên xwe ji hunerên dîtbarî re girtiye, ev ne tewreke rast e. Lazim e ku di vî aliyê de jî bi pêş ve here."

Süleyman Danişman ji navçeya Depa Xarpêtê ye. Navê gundê wî Çakan e. Ew jî mamoste ye û ne tenê bi nîgarîkirinê re eleqedar e, helbestan jî dinivîsîne û pirtûkên wî jî hatine weşandin.

Hunermend Süleyman Danişman jî armanca xwe wiha salox da:

"Divê em ji jiyana piştî vê têkoşinê re alîkariyê bikin; ev îmkân jî bawer dikim ku heye. Îro jiyaneke nû li pêşiya me xuya dike. Divê em hunermendên kurd jî di vî warî de xwe pişpor bibînin. Di dîroka wênesaziyê de gelek dîsîplîn (rêbaz) derketine. Ez xwe nikarim bixim nava yekê, ji ber ku ez van tiştan baş nabînim. Rastiya wan li gorî min tune. Ji ber ku ew dîsîplîn dibêjin "Me guherîn çêkiriye" lê ez dibêjim ev ne mimkun e. Ji ber çî ye? Astengî ew e ku, heya sistem neyê guherîn, ev tişt çênabin."

Wênesaz Danişman li ser pîrsa me ya ji bo nîrxandina civaka me jî wiha got:

"Gel li berhemên me bi çavê fotografan dinêre û wisa dinirxîne. Ev ji ber nezanîne ye. Gelo ewê ku quwetê hunerê bizanibin, wisa dikarin bêteleqê bimînin?"